

سُج گمردی میں دھلیز اُتے باہ اکثر روٹا ڈٹھائے
جہزارکھ کے موسم دے پر ارشد رکے سورج نال شانیاں

جَگراتے

طارق محمد ارشد ہاشمی



03013954281

بِسْمِ اللَّهِ الرَّحْمَنِ الرَّحِيمِ

انتخاب

جگراتے

شاعر: طارق محمد ارشد ہاشمی

(ایکس۔ اے۔ ای۔ او) (PEP)

پروف ریڈنگ: اعزاز شاہ

انتساب

مرحومہ بیوی صفیہ بی بی

تے

مرحوم ماء پیودے ناں

ارشد ہاشمی صاحب بہت سادہ فقیر منش انسان ہیں۔ ارشد ہاشمی کا شمار ضلع میانوالی کے نامور شاعروں میں ہوتا ہے۔ ان کا کلام پاکستان کے نامور گلوکاروں نے گایا جن میں ایک نام عطاء اللہ خان عیسیٰ خیلوی کا ہے، ان کا گیت (ڈسودلبر کون تیں باجوں) عطاء اللہ خان عیسیٰ خیلوی کو خود بھی بہت پسند تھا اور پاکستان میں پسند کیا گیا اور آج تک سدا بہار گیت چل رہا ہے ان کی کتاب میں ڈوھرے اور گیت بہت معیاری ہیں۔

میں امید کرتا ہوں کہ آپ سب کو ان کا کلام بہت پسند آئے گا۔ اللہ پاک ارشد ہاشمی کو بہت رنگ لگائے اور اللہ پاک ان کو صحت کاملہ عطا فرمائے۔ آمین

ڈائریکٹر اختر ہاشمی کنڈیاں

عیسیٰ خیل، تلوک چند محروم، جگن ناتھ آزاد، عتیل عیسیٰ خیلوی تے عطاء اللہ عیسیٰ خیلوی دا آبائی قصبہ ہے تے انہاں دی نسبت دی وجہ توں پورے پاکستان دے وچ مشہور ہے۔ ارشد ہاشمی دی اسے شہر دا ہک فقیر منش واسی ہے۔ انہاں دا پورا ناں طارق محمد ارشد ہے (قریشی) ہاشمی فیملی نال تعلق رکھدے ہن۔ نامور ماہر تعلیم ہن تے بہترین منتظم ہن۔ نالے قرآن پاک دے حافظ وی ہن۔ انہاں دے کلام اچ انتہائی سادگی دے ایہہ جنیں تاثیر ہے کہ اس حوالے نال اپنی الگ پہچان رکھدے ہن انہاں دی شاعری اس خالص علاقے دے ادبی ذائقے کوں ظاہر کردی ہے۔ عیسیٰ خیل دی ادبی سرگرمیاں دے روح رواں ہن۔ میکوں پک ہے جو انہاں دی شاعری ہر پڑھن آ لے کوں پسند آسی۔

ضیاء الحق ملک

صدر حلقہ عارباب ذوق عیسیٰ خیل

طارق محمد ارشد دا تعلق میڈے شہار عیسی خیل دے نال ہے۔
جڈاں میں ارشد دا گیت (ڈسودلبرکوں تیں باجھوںم رہا سرکار نہیں
تھیندا، گایا میکیوں اس شاعر دی شاعری دی مٹھاس تے روانی
دا احساس تھیا۔۔ اے گیت میکیوں آپ وی بہوں پسند ہائی تے
ول لوکاں دی داد تے فرمائشاں ڈیکھ کے میڈی خوشی ہو روی ودھ
گئی جو میں ہک اے جئیں شاعر دا کلام گایاے جیڑا سوہنٹریں
سوہنٹریں لفظاں تے مصرعاں نال اپڑیں شعراں دی ترتیب تے
بندش کوں ہووے خوبصورت تے من موہنٹراں بنڑا گھندا اے۔ میں
طارق محمد ارشد اوندی کتاب، جگراتے، دی اشاعت تے دلوں
درگا ہوں۔ مبارکباد ڈینداں تے ایں کتاب دی کامیابی واسطے دعا
کرینداں۔۔

عطاء اللہ خان عیسی خیلوی

دل آبیہا

ڈسو دلبر کوں تیں باہجوں ریہا سرکار نی تھیندا
ہجر دی ماری توں گھر دا کوئی کم کار نی تھیندا
پئی آٹا ملیندی کوں اے گھتریاں لووڑ بھل ویندائے
تے دانڑیں صاف کردی کوں کڈھن چھنڈ کونڑ بھل ویندائے
پچایا میں توں درداں دا چناں تڑفار نی تھیندا
ہجر دی ماری توں گھر دا کوئی کم کار نی تھیندا
بوہاری گھر دی راہ ویندیم جڈاں تیڈی ہے یاد آندی
میں جگ دے سامنڑیں ہسدی تے چھپ چھپ کے ہاں کرلاندی
نبھایا میں توں ہنڑ قسمیں ایہا کردار نی تھیندا
ہجر دی ماری توں گھر دا کوئی کم کار نی تھیندا
دھوئیں دے تیج میں نت روواں تے نت چولا پس ویندائے
تیڈی یاداں چ انج کھوندی کہ ڈدھ کڑھ کڑھوٹی ویندائے
سنجھالا میں اگلی توں تیڈا گھربار نی تھیندا
ہجر دی ماری توں گھر دا کوئی کم کار نی تھیندا
ڈیواں کوٹھانچ میں چوپے بھلا دلدار کیس کیتے
تے وڈے نال منجھیاں دی کڈھاں میں دھار کیس کیتے

کسے کم لئی تیڈے باہجوں اے دل دلدار نی تھیندا
 ہجر دی ماری توں گھر دا کوئی کم کار نی تھیندا
 میں اتھ راہواں تو اتھ راہویں انجیں سانول نہ تڑپا تو
 میں کلڑی لگڑی روندی ہاں خدا دے ناں تے دل آ تو
 میں توں نت قسمیں جذباں دا سنڑاں ڈسکار نی تھیندا
 ہجر دی ماری توں گھر دا کوئی کم کار نی تھیندا
 حمیلاں لونگ گانی تے میں پاواں ہار کیس کیتے
 چھکاں اکھیاں دے وچ قاتل کج دی دھار کیس کیتے
 اے لوکاں کوں ڈکھاوڑ لئی میں توں سنگھار نی تھیندا
 ہجر دی ماری توں گھر دا کوئی کم کار نی تھیندا
 کیہڑی سوچاں چ گم سم ہیں ایہانت پچھدی سس راہندی
 تو گند کر کے ہیں سٹ گھتدی جیہڑے کم کوں ہیں ہتھ لاندی
 بہانہ میں تو اس کیتے نواں ہروار نی تھیندا
 ہجر دی ماری توں گھر دا کوئی کم کار نی تھیندا
 صبح تے شام ڈینہہ راتیں میکوں تڑپائی رکھدا ہے
 ہجر ہر دم گلے وچ میڈا ساہ اٹکائی رکھدا ہے
 بھلا اے تیر کیوں ارشد کلجوں پار نی تھیندا

ملاقات

فسانہ محبت دا لوکو غضب ہے سزا نواں تہاکوں بڑا ہی عجب ہے
 میڈی آرزواں دا محور ہائی جیہڑا میڈی ساری خوشیاں دا مرکز ہائی جیہڑا
 نظر بھر کے اوسوہنڑاں تکیا نئی تھیندا حسن سانجھ کے اس توں رکھیا نئی تھیندا
 تے مخمور نین ہس شراباں دے پیالے تے زہریلے ناگ ہس حسیں وال کالے
 سرو داٹگوں سوہنڑاں تے پتلا حسیں ہا زمانے دے وچ بے مثل نازنیں ہا
 اوبائی پانزیریں پیندا تاں سنگ چوں ڈسیندا تے ہتھ لائیاں قسمیں ہائی میلا تھیندا
 اودا حسن چن تے ستاراں توں ودھ ہا تے قدرت دے سارے نظاراں توں ودھ ہا
 انجیں خون گالاں چوں چھل کارے پاوے جیویں ددھ تے ماکھی کوئی چا ملاوے
 اوبدے دند چنبیلی تے موپے دے پھل ہن تے غزلاں دے مطلعے اودے کھدے بل ہن
 لکھیریں جنیں ہک او صورت ہا یارو کوئی سنگ مر مر دی صورت ہا یارو
 مخاطب کوں بالکل چا خاموش کر دا نظر بھر کے سکھاتاں مدہوش کر دا
 فرشتاں ج اس دا ذکر کر داہائی مصور دی اس تے فخر کر دا ہائی

☆ ☆ ☆ ☆ ☆

جدائی دے غم توں بڑا دل با سکدا اودے ہانجھ میڈے توں پانزیریں نئی لنگھدا
 ہکا لحظہ میں توں جدا نئی او تھیندا ذرا دور میں توں رہا نئی او تھیندا
 محسوس دی مضبوط گنڈھ تھی گئے ساں تے رل کے ڈوبیں گھبوتے کھنڈھ تھی گئے ساں
 مرن تاں نہ بھلسن او سنگین لمحے وصل تے وفاواں دے رنگین لمحے
 ادا نال گل باہواں پاندا ہا صدقے شرم نال اکھیاں او چاندا ہا صدقے
 گھڑی وچ او ناراض ہو پوندا ہائی نکی جیڈی گل توں او رو پوندا ہائی

او آہدا ہائی بھنساں میں فرسودہ رسماں
 زمانے دے حالات پلٹا جو کھایا
 ویندی واری آکھا ہسی پھیرا پاساں
 اکھاں وچ میں برساتاں دا عادی تھیناں
 اوہدی یاد دے وچ تڑپدا میں ریہاں
 میں راتاں ہزاراں اڈیکاں چ کٹیاں
 تمنا میڈی ہر سواہ تھی گئی ہا
 قسم رب دی دل کوں نہ خس چین آیا
 تے دل غم دے پنجرے چ محبوس تھی گے
 تاں وت یارو بالکل عجب بات تھی گئی
 اوں کوں دیکھ کے قسمیں شل تھی گیا ہم
 اوہدے چہرے وچ میڈی دنیا سما گئی
 زمانے کوں خود تے میں کیویں ہساواں
 تے دل جیویں آرے چ کوئی چیر دارہ
 اسے ڈینہہ توں ول کے تے ہس میں نہ سکیا
 قسم رب دی ارشد جی ساہ سک گیا ہا
 کرن وت امیدیاں دی کجھ میں تے چھائی
 تے وت دل کے میں ڈانیں اشارہ کریندائے
 جڈاں کول وینداں میکوں آکھدا ہے
 میں تھیدا ہاں تھیدا او کھاندا ہاں قسماں
 میڈا یار بلی جدا کر دکھایا
 بہاراں جو دلیاں تاں میں ول کے آساں
 اسے ڈینہہ توں جگراتاں دا عادی تھیناں
 اوہدی دید کیتے ترسدا میں ریہاں
 تے دلیر تے کڈھ کے اکھیاں چا رکھیاں
 میڈی ساری زندگی تباہ تھی گئی ہا
 نہ ولیاں بہاراں نہ او ول کے آیا
 جڈاں اس دے آون توں مایوس تھی گے
 کہ بس وچ اچانک ملاقات تھی گئی
 میں پتھر دی بالکل مثل تھی گیا ہم
 میڈی روح چھلکی کے تے اکھیاں چ آگئی
 تے بے در دوی گل میں کیویں سنواواں
 او انجان اکھیاں میکوں دیکھدا رہ
 تے دل تے کے گزری ہا ڈس میں نہ سکیا
 اسے موڑ تے بس وقت رک گیا ہا
 جڈاں اس دی اکھیاں چ شناسائی آئی
 بڑا خوش تھیاں کول اپڑیں سڈیندائے
 انجیں لگدائے تیکوں کھانیں میں ڈٹھا ہے

تیڈی قسمیں کمی ہم پئی

رونقاں جھملاں چوں زندگی دے میلاں چوں
وقت کچھ کڈہیں ہا تو میکوں مل ونجیں ہا تو

تیڈی قسمیں کمی ہم پئی

تے زندگی بہوں ڈکھی ہم پئی

تیڈے کیتے میں زندگی دے سجنڑ ساہ رہن رکھ چھوڑین
تے ہر خواہش دے سورج کوں میں لا کے گہن رکھ چھوڑین
کڈاں ولسیں وطن تے تو سنہڑا اتنا گھل میکوں
کہ تیڈے انتظاراں وچ میں کڈھ کے نین رکھ چھوڑین
ہجر دی پتدی بھاہ دے وچ تے ساڑدے صحرا دے وچ
خوشی دا ہک وی رکھ کوئی نہیں سجن تیں باجھ سکھ کوئی نہیں

تیڈی قسمیں کمی ہم پئی

تے زندگی بہوں ڈکھی ہم پئی

میکوں ہر دم روائی رکھدائیں انہالاں تے سیالاں وچ
تو ہر دم چھایا راہندا ہیں میڈے خواباں خیالاں وچ

غم دنیا دے وچ کھو کے ہی تیڈی قسم سانول
 ذرا کو دیر بھل وینداں میں تیکوں اپڑیں بالاں وچ
 تے فوراً وت تو یاد آنداں تے آکے میکوں تڑپاںداں
 انجیں سانول نہ تڑپا تو خدا دے ناں تے دل آ تو

تیڈی قسمیں کمی ہم پئی

تے زندگی بہوں ڈکھی ہم پئی

جیہڑے کٹھیاں گزارے سے او ساون بھل گیاں ظالم
 تو وسدے مینہ دے وچ رل کے اودھاون بھل گیاں ظالم
 میڈے توں روز رسدا ہائیں میں تیکوں نت مناں داہم
 ہکے واری جو میں رسیاں مناون بھل گیاں ظالم
 توں خیریں صلے کول ہائیں توں جگ توں سوہنڑاں ڈھول ہائیں
 خبر غم کیوں خفا تھی گیس جڈن دا تو جدا تھی گیس

تیڈی قسمیں کمی ہم پئی

تے زندگی بہوں ڈکھی ہم پئی

تیکوں جوڑاں میں ہتھ سانول میڈی رکھ چا تو پت سانول
 انجیں غیراں چ رہ رہ کے روا نہ میکوں رت سانول
 تیڈے رستاں چ بت بنڑ کے تیڈی تانگاں چ سک وینداں

سراپا انتظار ہاں میں پچھاں ول کے پرت سانول
ستاراں چ تو قمر وچ تو چمن دے ہر شجر وچ تو
بہاراں چ میگوں یاد آندا ئیں تے رم جھم وچ تو تڑپا ندا ئیں
تیڈی قسمیں کمی ہم پئی

تے زندگی بہوں ڈکھی ہم پئی

وصل دے ویلے یاد آندیم تو میڈے کول راہندا ہائیں
تیڈے توں میں جو رسد اہم تو گل لا کے مناندا ہائیں
کنجیں سانول بھلاواں میں نظر بھر کے جو تکدا ہم
شرم تو چہرہ گھبرا کے تو ہتھاں وچ لکاندا ہائیں
گئے لنگھ سکھ دے سب ویلے سہ مک گئے او البیلے
اے بے تعبیر خواب ہن پئے میڈے کیتے سراب ہن پئے

تیڈی قسمیں کمی ہم پئی

تے زندگی بہوں ڈکھی ہم پئی

سبھے ارمان سجرے چن میڈے ہونٹاں دی آہ بنڑ گئے
نویں سدریاں دے پھل جذبے سبھے سڑ کے سواہ بنڑ گئے
تیڈے نال پیار پایا ہم کہ ارشد جی سکوں ملسی
اے زندگی بنڑ گئی اے سسکی جہنم میڈے ساہ بنڑ گئے

بھانویں دل شوہدا روندہ ہے جگر چوں خون چوہندا ہے
تو دل کے وت وی نی آیا تو پونجھن رت وی نی آیا

تیڈی قسمیں کمی ہم پئی
تے زندگی بہوں ڈکھی ہم پئی



قطعے

کل سنڑیام غیر دی محفل وچ میڈے بارے دلبر آکھائے
بھانویں اوں کوں وصل دا جام ڈیواں بھانویں میں فرقت دی زہر ڈیواں
ارشہ دے ہتھ دیاں لیکاں تے ہکا میڈا قسمیں قبضہ ہے
میڈی بند مٹھی دا جگنو ہے بھانویں چھوڑ ڈیواں بھانویں مار ڈیواں



بھلا کوئی نپ کے ہس سگدائے ڈسا بجلی دی تاراں کوں
کہ اس توں وی بڑا اوکھائے جدا کرڑاں پیاراں کوں
تیڈا اے کیہ جاں آرڈر ہے پچانواں ہجر کوں ہس کے
کتھائیں تکیائی کیس ہاراں وچ پروتا ہے چا خاراں کوں



عشق

اتھے ہر کوئی آبلہ پا ہوندائے

آعشق ڈسائیں کیا ہوندائے

کوئی جسم دی کھل لواھندا ہے	کوئی تاج محل بنڑواندا ہے
کچے گھرے تے سجن تریندا ہے	اتھے پٹ دا ماس کھویندا ہے
کوئی اٹیاں دے بھاوک ویندائے	کوئی ہیرسیالنز لکھ ویندائے
انڑ ڈیکھی سجن سزا ہوندائے	آعشق ڈسائیں کیا ہوندائے

☆☆☆☆☆

کوئی بنڑدائے افلاطون اتھے	کوئی بنڑویندائے مجنون اتھے
درخیر پٹ کے واہ ڈیندائے	کوئی سک دریا چلواڈیندائے
کوئی صحرا خون پلاندائے	کوئی ہتھ وچ بال کوہاندائے
اے سرتا پیر رضا ہوندائے	آعشق ڈسائیں کیا ہوندائے

☆☆☆☆☆

کوئی ہتھ بغل وچ بلدا ہے	کوئی دشمن دے گھر پلدا ہے
کوئی مچھلی دے وچ راہندا ہے	کوئی من تے سلوئی کھاندائے
اتھے آرے پٹھ چریندا ہے	کیس کوں جنت نکالا ڈھیندا ہے

جو چاہوے او واہ واہ ہوندائے آ عشق ڈسائیں کیا ہوندائے

☆☆☆☆☆

کیندے گل وچ اوجھری پائی ویندی کیں کوں سولی سجن چڑھائی ویندی
کوئی ذاتا بنڑ کے سج ویندائے کوئی ہو ہو کر کے لڈ ویندائے
کوئی چولا چا کپواندا ہے کوئی ونج کے جیل وساندا ہے
اوپا ول کے مصر دا شاہ ہوندائے آ عشق ڈسائیں کیا ہوندائے

☆☆☆☆☆

کوئی عرش تے سڈ بلویندا ہے کوئی بھا دے وچ سٹویندا ہے
کیں کوں بیڑی تے چڑھواندا ہے کیں کوں پانی توں ترساندا ہے
ڈکھ چنڑ چنڑ ساہونڑاں پوندا ہے غاراں وچ راہونڑاں پوندا ہے
اے کنڈیاں بھریا راہ ہوندائے آ عشق ڈسائیں کیا ہوندائے

☆☆☆☆☆

کوئی سورج کوں ولوا ڈیندائے کوئی مُرداں کوں بلوا ڈیندائے
ذبح کردائے چا کوئی بال اپڑاں کوئی ونڈ ڈیندائے سب مال اپڑاں
کوئی طور تے جتیاں لاه چڑھدائے کوئی عرش تے جتیاں پا چڑھدائے
ججیں اس دا جن منشا ہوندائے آ عشق ڈسائیں کیا ہوندائے

☆☆☆☆☆

اے بھائی توں بھائی مروا ڈیندائے
 تیں تکیا ہجر یعقوب ہوسی
 چوکھٹ تبدیل کراڈیندائے
 جاں ڈیونڑتے آندائے رج ڈیندائے
 تیں سنڑیا صبر ایوب ہوسی
 اے زہر بڑا مٹھرا ہوندائے
 کھریاں نال چشمے کڈھ ڈیندائے
 آعشق ڈسائیں کیا ہوندائے

☆☆☆☆☆☆

کوئی کھوہ دے وچ لڑکی ویندائے
 کوئی شاہی کون ٹھکرا ڈیندائے
 کوئی مادھو لال سڈی ویندائے
 جیہڑا اس کون گولنڈکنڑ ویندائے
 اے کیس کون ادھم بنڑاڈیندائے
 رحمت دی یار گھٹا ہوندائے
 شہباز قلندر بنڑ ویندائے
 آعشق ڈسائیں کیا ہوندائے

☆☆☆☆☆☆

جڈاں عشق آزماؤن تے آنداہے
 گھروں بے گھراے کر ڈینداہے
 زخماں وچ کیڑے پانداہے
 یوسف جیلس سوہنڑیں رل ویندین
 اکا شہر بدر کر ڈینداہے
 بنڑ صد تے بے پرواہ ہوندائے
 مجذوب تے کملے ہل ویندین
 آعشق ڈسائیں کیا ہوندائے

☆☆☆☆☆☆

اے وچھڑکے آدم رت روندائے
 طہ یسین سڈواندا ہے
 قوسین دے وانگوں وی ہوندائے
 ہرکیں کون سمجھ نی آنداہے

عید

و ت عید شوال دی آگئی ہے
ہک سال مزید لنگھا گئی ہے

رو میاں	دا تنہا یاں	دا	تیں سہز توں دور جدایاں	دا
ہر لحظہ	رو	رو	لنگھیا ہے	ہکا تیکوں رب کنز منگیا ہے
میں	رو	رو	واسطے پائے ہن	رحمت دے در کھڑکائے ہن
اے	ہجر	عذاب	لنگھاوئیں ہن	اے درد مزید پچاؤئیں ہن
اے	اکھیاں	تیاں	راہوئیاں ہے	اے خوشیاں نسیاں راہوئیاں ہے
اے	قسمت	ساڈی	چپ ہے پئی	اے زندگی ساڈی دکھ ہے پئی

☆ ☆ ☆ ☆ ☆

کیوں	چن	کوٹھے	تے	چڑھ	دیکھاں
بالفرض	او	نظر	جو	آ	دیندائے
کوئی	جوڑا	زور	دا	کھل	پوندائے
نویں	سر	توں	زخم	چھلی	دین
کنجیں	ضبط	کریاں	تے	رکساں	

کنجیں	درداں	دا	میں	ہڑ	دیکھاں
ہر	پا	سے	دھماں	پا	دیندائے
جھمی	پا	بے	ساختم	مل	پوندائے
میڈے	سارے	درد	پئی	دین	
کنجیں	چیناں	دا	میں	گل	گٹھساں

اسے واسطے کمرے چ بند تھی کے گھہ والاں دا پابند تھی کے
 بچہ پلکاں دے وچ چنر گھنساں ٹی وی تے خبراں ستر گھنساں



دل غم توں پھٹسی قسم ہے پئی خوش دسڑاں اس دینہہ رسم ہے پئی
 اسے کانڑ مبارکاں ڈیاں میں آئے گئے کوں جھیاں پیساں میں
 لوکاں رت پیساں کھاساں میں نویں کپڑیئی یار وٹاساں میں
 بھانویں اندروں دل ویران ہوسی میڈے ہونٹاں تے مسکان ہوسی
 بھانویں درداں دی بھرمار ہوسی نہ چہرے توں اظہار ہوسی
 بھانویں سڑ کے جگر سواہ تھی سی نہ راز تیدا افشا تھیں
 لوکاں وچ ہسدا راہساں میں لک چھپ کے نیر وہاساں میں



بھانویں ہجر دا پندہ زیادہ ہے ساڈا رابطہ یار ہوا دا ہے
 ہک عید تے تحفہ ڈے ڈیویں ساڈے ناں دا بوسہ ڈے ڈیویں
 ساکوں آپ ہوا پہنچا ویسی خوشبو ہر طرف کھنڈا ڈیسی
 ساہ بسکل زخماں گھت ویسی رکھ زخماں تے کجھ ہتھ ویسی
 لا درداں وچ کجھ سندھ ویسی گھٹ ہجراں دا کجھ پندہ ویسی
 کجھ دل ساڈا پرچا ویسی کجھ حوصلہ یار ودھا ویسی
 کجھ رٹھرا وقت منی پوس کجھ ساڈی عید وی تھی پوسی



تاڻگ

ہک واری سوہنڑاں آ ونج تیڈی ہے تاڻگ راہندی

جندڑی نہ ڈھول ساہندی

ساون تے عیداں رل کے میکوں بجن ستاون

چیتہ بہار دے وچ اکھیاں اے رت روادون

ہنڑ بجنڑاں پھیرا پا ونج تیڈی ہے تاڻگ راہندی

جندڑی نہ ڈھول ساہندی

ٹھہریں ذراوے راہیا ہک تحفہ لیندا جاویں

سدریاں دا خون میڈا بجنڑاں کوں ونج ڈکھاویں

ہجرے چ اوں کوں آکھیں جگرے چوں رت ہے واہندی

جندڑی نہ ڈھول ساہندی

راہواں تے بیٹھے راہندے رکھ کے ملنودی آس اے

ہر پاسے نین لبھدے دیداں دے چن پیاسے

ہنڑ بجنّاں پھیرا پا ونج تیڈی ہے تاڻگ راہندی

جندڑی نہ ڈھول ساہندی

آدبا ہائی دل میں آساں ہس کوڑا لارا لایا
 موسم ہزار آئے میڈا چن نہ دل کے آیا
 گل کوڑ ہے کہ خود کوں تاریخ ہے ڈراہندی
 جندڑی نہ ڈھول ساہندی

سجڑاں اے چن تے تارے تیڈی یاد نے ڈواندے
 پھل جاں وی کھڑدے سوہنڑاں ڈکھ پیاردے ودھاندے
 رت اے بہار والی ڈکھ نال گھن کے آندی
 جندڑی نہ ڈھول ساہندی

کپ کے میں آپڑاں گلماں کلا سجڑ سڈاواں
 دل کردائے گھن کے ماچس دنیا کوں بھاچالاواں
 ناں رب دائی مکھ ڈکھا ونج ہجرے دی پیڑکھاندی
 جندڑی نہ ڈھول ساہندی

پچھدے می سارے سنگتی کے تھی گیا پئی بھیڑا
 کنجیں آکھاں کر گیا ہے سدریاں دا سنج اووہیڑا
 سوچا وی نئی میں انج وی الفت ہے رت روآندی
 جندڑی نہ ڈھول ساہندی

میڈے دل دی سجاں دنیا تیڈے باجھ ہے اندھاری
 انجیں لٹ گیا ہاں ارشد سداں نہ رات ساری
 بے درد کوں دساؤ ہا اے گل نہ اوں کوں ٹھاندی
 جندڑی نہ ڈھول ساہندی

ڈوہڑے

میڈے اجر ن تے پیا خوش تھیندائے اوسو ہنڑاں انج سنگدل ہے
 میڈے سب جذبے بے اثر تھئے بے رحم پتھر دی سل ہے
 چھک دولت دی میں توں کھس کھڑیا آدھاوت دی ہاں منزل ہے
 میڈی چپ توں ارشد یار آدھین اج اجڑی ہوئی محفل ہے
 ہک غیر دے عارضی خلق کچھ میڈا سارا امن تباہ کیتائی
 میڈی غربت ڈیکھ کے چن ماہی میڈی الفت کوں رسوا کیتائی
 میڈی لاش تے غیر ہسا بیٹھائیں حق پیار دا خوب ادا کیتائی
 بہوں مخلص ہائیں تو ارشد دا بیٹھا سوچدا ہاں اے کیا کیتائی
 جے دل کلا اے بال ہوندا کیس گل تے تاں ٹھگیج پوندا
 نی جانڑدا اپڑیں قسمت کوں ہے گل گل تے ویج پوندا
 کدی ارشد پھیرا تو پاندوں سجاں گھر میڈا سبوتج پوندا
 ہکا تو میڈا بنڑویندوں چن توڑے غم جگ دا پلیج پوندا

اجڑا پجڑا

ہک اجڑا میں تکیائے یارو ٹھنڈیاں آہواں بھر دا
 اپڑیں نال ویراناں دے وچ آپ ہے گلاں کردا
 سر وچ دھوڑتے میلے کپڑے رت دے نیروہاندا
 کیس رس گئے دیاں تانگاں ہس جیہڑا راہواں تے ونج باہندا
 جوش جنوں وچ کپڑے کپ کے کندھاں کوں گل لاندہ
 خبرے راتیں اٹھ اٹھ کے کیوں حال دہائیاں پاندہ
 ناں چاہوے کوئی الفت دا ڈھانیں مار کے روندہ
 لگدائے رشتاں لٹیا ہس جیہڑا گل گل تے روپوندہ
 اجڑا پجڑا ڈیکھ کے لوکی اس تے ہاسے لاندے
 پیار دے نال الاون کیتے لگدے ہس گھبراندے
 پتھر کھاندائے طعنے ساہندائے منہ ہوں اف نی کردا
 ارشد وانگوں درد مصائب چپ کر کے ہے جردا

☆☆☆☆☆☆☆☆☆☆☆☆☆☆☆☆

☆☆☆☆☆☆☆☆☆☆☆☆

☆☆☆☆☆☆☆☆

☆☆☆☆☆☆

سنہڑا

ساکوں ملوواں ہئی تاں اج مل ونج ایہا کوئی دالدار کوں ونج آکھے
 اساں کل توڑیں چن نہیں تگڑاں کوئی ساڈے یار کوں ونج آکھے
 اساں وقت نزع تے چن ماہی تیڈی دیدتا میں ساہ روک رکھیں
 اساں ملک الموت دے سانول جی تیڈی آمدتا میں راہ روک رکھیں
 نہیں خفگی ڈھکدی اس ویلے کوئی اس منٹھار کوں ونج آکھے
 اساں کل توڑیں چن نہیں تگڑاں کوئی ساڈے یار کوں ونج آکھے
 ساری عمراں چن تڑفاندا رہیں ساڈا ہجرتیج جگر جلاندا رہیں
 ساکوں چن ماہی ہک بوسے کنڑ ڈینہہ عید تے وی ترساندا رہیں
 - ہنڑ ساں تے کرم کماویں چا کوئی چن سرکار کوں ونج آکھے
 اساں کل توڑیں چن نہیں تگڑاں کوئی ساڈے یار کوں ونج آکھے
 حق بنڑدائے درداں ماریاں دا جناں زخماںچ عمر لنگھا چھوڑی
 تیڈی یاداں دے ویچ رورو کے جناں اصلوں دید پھٹا چھوڑی
 ہنڑ ہتھ رکھ ونج انہاں اکھیاں تے کوئی مٹھڑے یار کوں ونج آکھے
 اساں کل توڑیں چن نہیں تگڑاں کوئی ساڈے یار کوں ونج آکھے

میڈی چوڑیاں آنر کے آپ بھنیں نالے مہندیاں لاویں تلیاں کوں
 میڈے جم کے کفن تے گھت چھوڑیں چند موتیے دیاں کلیاں کوں
 ہر حسرت پوری تھی ویسم کوئی چانچھے یار کوں ونج آکھے
 اساں کل توڑیں چن نہیں نگڑاں کوئی ساڈے یار کوں ونج آکھے
 میکوں سامی چج آپ لہاویں تو پووے میت تے ہو ردانہ سایہ
 میں جہن امانت تیڈی ہاں کیس غیر نی میکوں ہتھ لایا
 میں آکھساں ہر کے جت گئی ہاں کوئی اس سردار کوں ونج آکھے
 اساں کل توڑیں چن نہیں نگڑاں کوئی ساڈے یار کوں ونج آکھے
 نہ چاہندی میڈی تربت تے تو حافظ ڈھیر بلاہ چھوڑیں
 میڈی چن ارواح دے کیسے تو ہکا آنسو فقط وہا چھوڑیں
 میڈی ارشد بخشش تھی ویسی کوئی وچھڑے پیار کوں ونج آکھے
 اساں کل توڑیں چن نہیں نگڑاں کوئی ساڈے یار کوں ونج آکھے

ڈوہڑہ

نہ بھلساں مردے دم تائیں تیڈے ہجر دی ظالم سٹ کوں
 نی زخم جگر دا ٹھیک ہوندا لکھ ملماں لاؤ پھٹ کوں
 تند تند اڑوا کے روند اہیں ہنڑ ارشد پیار دے پٹ کوں
 ودا کملا چانن لبھدا ہیں ڈیوے دی ساڑ کے وٹ کوں

کذاں تائیں روسیں ڈس کلا تو چم چم کے رمالاں کوں

بڑی حسرت ہے چن دلبر میڈی ہک گال من گھندا
ولا ڈیندا او اپڑیں نال گزرے سال من گھندا

شروع توں پیاردی بازی ولا ول کے شروع کردے
، بھر پھٹ جیہڑے لائے ہن ڈوہیں رل کے رفو کردے
ڈیہاڑے سوہنڑیں بچپن دے خدا کردا کہ ول آندے
کہ توتے میں ولا ول کے ہکے گھر دے وچے راہندے

تے دھاگے بنھ کے مکڑاں کوں اڈاندے یار روزانہ
بنڑا کے ریہڑے ٹائراں دے بھجاندے یار روزانہ
تے چاہواں نال ریت اچ میں بڑا اندا جوا گر قسمیں
نکی جنیں گل توں کاوڑ کے توں بھن سڈی او گھر قسمیں

اسے گل تے میں تیڈے توں بہوں ناراض تھی پوندا
پیتے نی ول کیا تھیندا کہ میں جھٹ وچ منی پوندا
میڈا گڈا بنڑیں بنرا تیڈی گڑیا دلہن بنڑدی
تسیڈی سکھیاں میڈے سنگتی جو رلدے سوہنڑی جج بنڑدی

بنڑا کے چھا لکاں سجراں تے نت پئے کھیڈ دے رل کے
 پروں بھیج بھیج کے آندے تے گھر پے مار دے ول کے
 لہا کے چولے مینہ دے وچ اساں دھاندے تے خوش تھیندے
 اکٹھے تھی کے گلایاں وچ چا ڈنڈ پاندے تے خوش تھیندے

تے کاغذ کپ کے کاپی چوں بنڑاندے بیڑیاں ول کے
 ولا بارش دے پانڑیں وچ تراندے بیڑیاں رل کے
 ساڈی زندگی جوہک واری پچھوں تے ول جلے سانول
 تاں صابن گھت کے بوتل وچ بنڑاندے بلبلے سانول

تیڈی گڈیاں بنڑانوںز لئی پٹولے گولدے ڈوہیں
 ڈوپہراں ویلے چھپ چھپ کے تے چھلیاں توڑ دے ڈوہیں
 بڑی ضد کر کے مایو توں اساں ہر گال منواندے
 اڈاونڑ کیتے چن سانول غباراچ گیس بھرواندے

غللیاں گھن کے کھیتاں چوں اڈاندے رل کے کال ڈوہیں
 تے چاقو نال ٹاہلی دے چامنڈھ تے کھنڈے ناں ڈوہیں
 گھڑی پل دے وچے لڑدے گھڑی پل وچ وسرویندا
 اناہیں معصوم گلاں وچ ساڈا بچپن گزر ویندا

کراں کیویں جوانی دا والا کے تذکرہ توبہ
 کہ ہوندا ہے ہراک جذبہ بڑا ہی سر پھرا توبہ
 میڈا تکرڑاں اوتیڈے ڈائیں تیڈا گلنار تھی ونجڑاں
 تے تیڈا او شرم کولوں سرخ انگار تھی ونجڑاں

اوبا منظر جہن دلبر کھے واری ولا ڈیندوں
 توڑے ول ساری عمراں لئی چاہجرے دی سزا ڈیندوں
 بھلا بھل سگداں الفت دا میں او اظہار چن دلبر
 تیڈا او کمبھدیاں بلیاں کرن اقرار چن دلبر
 بہاراں دے میڈے گھر ڈائیں تے موسم سارے پلٹی گئے
 میڈے دل دے سھے منظر اچانک ول حسیں تھی گئے
 ڈواندائے یاد ول ول کے اے سنجڑاں گھر میڈے مولا
 ولا ڈے یا بھلا ڈے او سھے منظر میڈے مولا

دبے پیراں دے نال آکے ولا اکھیاں تے ہتھ رکھدی
 تے کمرے دی صفائی کرداں کتاباں وچ چا خط رکھدی
 بڑا ول ول کے آندا ہے تے میکوں یاد عیدیاں تے
 کھے گھر دے وچے راہ کے او گھلڑیں کارڈ عیدیاں تے

تے ساراں توں چھپا کے میں تیڈے والا بچ چا پھل لاند
 پراندے ہار تے کانٹے تیڈے کیتے میں گھن آندا
 تے پھل کڈھدی رمالاں تے میڈے کیتے ولا کے تو
 چنگی چوکی جو شے پکدی تاں گھن آندی چھپا کے تو

بڑا تھیندا ہے دل سانول رٹھا ویلا مناڈیکھوں

جیہڑے رل کے تے ہا سے اوہا سپنے ولاڈیکھوں

دے دریا دے کنارے تے اساڈا سوہنڑاں گھر ہوسی

لے راہسوں ڈوہیں سانول اتھے کینداناہ ڈرہوسی

ڈرائنگ روم وی ہوسی تے ڈوں بیڈروم وی پاسوں

اساں ویہڑے دے کونے وچ سوئمنگ پول بنڑواسوں

تے کمرے دے اگوں چھوٹی جنیں ہک گیلری ہوسی

تے متروکہ شیناں رکھن لئی ہک پڑچھتی ہوسی

اساڈے چھوٹے جنیں گھر دی نرالی سوہنڑی شان ہوسی

تے گیٹ ایچ وڑدے ہوئیاں ای بڑا سرسبز لان ہوسی

تے ہک پاسے عمارت دے بنڑاسوں سیڑھیاں چھت لئی
 تے لکھواسوں بوہے تے فضل ربی یار برکت لئی
 اساڈے چھوٹے جنیں گھر وچ نہ کیس شے دی کمی ہوسی
 خلوص ہوسی وفا ہوسی نالے سچی خوشی ہوسی

چنبیلی رات دی رانی تے رنگ رنگ دے گلاب ہوسن
 رلے رہسوں ڈوہیں سانول تے پورے ساڈے خواب ہوسن
 تے دیگر ویلے لان اچ وچ کے ڈوہیں کرسیاں پاسوں
 گلاں الفت دیاں کرسوں تے چاہ دی چسکیاں لاسوں

ساڈی زندگی دا ہر لحظہ سجنڑ بنڑ بنڑ کے عید آندا
 اگراے کاش ساڈے وچ نہ ایویں عزرائیل آندا

بھلا گلیاں دے لکھاں رت میں کیوں سڑکاں تے رل ویندا
 تیڈی دنیاچ میں ارشد بھلا کیوں کملا ہل ویندا
 میں روندرا راہنداں ہر ویلے تیڈی مرقد کون گل لا کے
 جتھے پینگھاں جھٹیندے ساں اسے برگد کون گل لا کے

تیڈی تصویر تے وزگاں تے خط کڈھ کڈھ کے روندہاں
 تے ساون دی پھواراں وچ میں پینگھاں اڈ کے روندہاں
 تیڈے باہجوں میڈا گھر قسمیں قبرستان تھی گیا ہے
 پتن کھنڈرات بنڑ گئے ہن شہر سنسان تھی گیا ہے

میں ڈوہڑے گیت تے نظماں ڈساکیں کوں سزا ساں ہنڑ
 تے والا نچ پھیر کے انگلاں بھلاکیں کوں سماں ہنڑ
 تے کنگھیاں ڈے کے کھڈاں وچ چار کھسی کونڑ والاں کوں
 میڈے کوٹھے چوں ڈس سانول لہاسی کونڑ جالاں کوں

بھلا ہنڑ کونڑ ضد کر کے بچھے کپڑے پواسم ڈس
 میں رس پوساں تاں کونڑ ارشد بھلا رورومنا سم ڈس
 جیہڑے چمکا کے رکھدی ہائیں او برتن گندے تھی گئے ہن
 میں کیں کوں آکھاں دروازاں دے پردے میلے تھی گئے ہن

تے کیندے کیتے گھن آساں نواں جوڑا میں پہلی تے
 تے کیندے ہتھ تے رکھساں ڈس سجن تنخواہ میں پہلی تے
 جڈاں کوئی کیں کوں گل لاسی ڈسا سانول میں کے کرساں
 تیڈا اے ہار کانٹے تے میں گاہنی ڈس کڈے کرساں

جھڑے ڈینہہ دا ہجر ظالم دالامیکوں توں پھٹ گئی ہیں
 اسے ڈینہہ دا تو جگراتاں دا عادی کر کے سٹ گئی ہیں
 جڈاں پھل کھڑ دے ہن سانول تیکوں سڈ سڈ کے روند اہاں
 لوکی ڈسدیم بہاراں وچ میں باہواں اڈ کے روند اہاں

تیڈے ہتھ دی لگی ہوئی چنبیلی پھل پئی چاندی ہے
 تے میڈے گھر دی ہر ہک شے تیڈا راہ ڈیدھی راہندی ہے
 تے غم دی مالا ڈے کے کیوں ڈو پہراں سنج تو کر گئی ہیں
 میڈی خوشیاں میڈے ہا سے بھلا کیوں منجھ تو کر گئی ہیں

میڈے توں سنگتی پچھدے ہن خلا و اونچ تکدا کے راہندا میں
 تے سارا سارا ڈینہہ آخر توں ڈس ارشد کتھے راہندا میں
 ریہا کرا پڑیں گھر دے وچ سنبھال اپڑیں تو بالاں کوں
 کڈاں تئیں روسیں چم چم کے ڈسا کملا رمالاں کوں

جڈیں ویلا گزرا یاد آس ہنجوآں دے ہار پروسی
 میڈے وانگوں جگ توں چھپ چھپ کے اووی ارشد رو رو پوسی
 سک رکھ کے میڈے ملوئیں دی او وی راہ تے آنڑ کھلوسی
 اس بانہہ تے سمن دے عادی عوی وی پئی اوکھی نبھدی ہوسی

نہ مر سگسی نہ جی سگسی

تڑپسی روسی کر لاسی نہ کیس توں راضی تھی سگسی

تیڈے باہجوں اے دل کملانہ مر سگسی نہ جی سگسی

میں کے کرساں جو دل کا فریڈے کیتے مچل ویسی

کڈے ویساں جڈاں ہر پاسوں چھا بدلاں دی چھل ویسی

ہجر دا ادھ ٹھکا نیزہ نہ ول دل چوں پٹی سگسی

تیڈے باہجوں اے دل کملانہ مر سگسی نہ جی سگسی

کسے محفل دے وچ ہرگز نہ اتھرو چن و ہاسکساں

تے اکھیاں دے وچ آئے ہنجو پچھوں تیئی نہ ولا سکساں

بھرم اس دم رکھن کیتے ڈسائی ونج کے کری سگسی

تیڈے باہجوں اے دل کملانہ مر سگسی نہ جی سگسی

ڈسانت سجرے پھل چن کے تے کیس کوں ہار پاساں میں

بھلا ڈینہہ عید دا سانول کنجیں تنہا لنگھاساں میں

محرم ورگیاں عیداں تے گل کیس کوں لوی سگسی

تیڈے باہجوں اے دل کملانہ مر سگسی نہ جی سگسی

سجن کیں کوں پواساں میں جیہڑی چنری رنگا آندیم
 کڈے کرساں تیڈے کیتے جیہڑی مندری بنڑا آندیم
 تیڈی شے قسمیں چن ڈھولانہ کیں کوں وی ڈوی سگسی
 تیڈے باہجوں اے دل کملا نہ مرگسی نہ جی سگسی
 نہ تنہا چین مل سکسم نہ محفل وچ میں باہ سکساں
 تیڈی سنسان راہواں تے میں باہون توں نہ راہ سکساں
 جیہڑے پھٹ ڈونگھے لائے فی نہ مرداں توڑیں سی سگسی
 تیڈے باہجوں اے دل کملا نہ مرگسی نہ جی سگسی
 سیالے وچ ادھی راتیں کھڑکی درتاں رو پوساں
 کتھائیں کوئی پردیسی جوہی گھرتاں رو پوساں
 اے واہندی تارہنجوآں دی نہ اکھیاں توں ڈکی سگسی
 تیڈے باہجوں اے دل کملا نہ مرگسی نہ جی سگسی
 انجیں لئیائی نہ دل کیں تے سجن اتبار کرسکساں
 تیڈے توں بعد سوں تیڈی نہ کیں نال پیار کرسکساں
 انجیں پھاتائی اے دل پنچھی نہ دل کیں کنڑ پھسی سگسی
 تیڈے باہجوں اے دل کملا نہ مرگسی نہ جی سگسی

نہ چن وچ نورتیں جاں ہے نہ ٹردائے مورتیں ورگا
 تو لاٹانی ہیں دنیا وچ نہ کوئی ہورتیں ورگا
 حسن دی کوئی شہزادی نہ تیڈے رت لبھی سگسی
 تیڈے باہجوں اے دل کملانہ مر سگسی نہ جی سگسی
 میڈی خوشیاں دے چن ماہی محل سارے توڈھے گیا ہیں
 درد اتھرو ہجر ہاواں تے ہو کے ہاڑے ڈے گیا ہیں
 تیڈی اے قیمتی دولت نہ عمراں تائیں لٹی سگسی
 تیڈے باہجوں اے دل کملانہ مر سگسی نہ جی سگسی
 کنجیں آکھاں میں اے ظالم تو قسماں ساریاں بھل گیں
 لوکی نن دشمنی بھلدے تو سنگدل یاریاں بھل گیں
 تیڈی سنگت قسم رب دی نہ ساڈے توں بھلی سگسی
 تیڈے باہجوں اے دل کملانہ مر سگسی نہ جی سگسی
 کنجیں پیواں میکوں سانول تو وچ جام و سبوڈ سدا میں
 کنجیں تیکوں بھلاواں میں میکوں ہر پاسے توڈ سدا میں
 تیڈی اکھیاں دے پیماناں توں ہٹ کے گھٹ نہ پی سگسی
 تیڈے باہجوں اے دل کملانہ مر سگسی نہ جی سگسی

میں سنڑیاں ہے بڑا خوش ہیں سجن میں توں خفا تھی کے
 میں ہر دم رونا راہندا ہاں تیڈے کولوں جدا تھی کے
 میڈی خوشیاں دا رکھ قسمیں نہ ول کے ساوا تھی سگسی
 تیڈے باہجوں اے دل کلا نہ مر سگسی نہ جی سگسی
 ساکوں محروم کردا ہیں رخ ماہتاب ڈیکھن کنڑ
 ترس ویساں عمر ساری تھہا ڈے خواب ڈیکھن کنڑ
 تیڈے ہجرے چ روندی ہوئی نہ اکھ قطرک نئی سگسی
 تیڈے باہجوں اے دل کلا نہ مر سگسی نہ جی سگسی
 میکوں گل لا کے بوسے دا ارادہ کر میں مر پوساں
 میڈے کولوں توں راہون دا چا وعدہ کر میں مر پوساں
 انجیں تاں کملے ارشد توں نہ جند تیڈی چھٹی سگسی
 تیڈے باہجوں اے دل کلا نہ مر سگسی نہ جی سگسی

☆☆☆☆☆☆☆☆

نہ سچل آسی پلکاں تے سمجھا ڈیساں اکھیاں کوں
 ڈاہ بھرم رکن دی آندی ہے میڈا چن سانول ڈکھیاں کوں
 ساہ ساہ نال سانبھ رکھیاں میں تیڈے چن ارشد درداں کوں
 میڈا وعدہ ٹھیک نہ تھیونڑ ڈیساں تیڈے لائے اوئے میں زخماں کوں

چور وے

قاتل اکھیاں والا سانول میڈے دل دا چوروے

سارا پاکستان پھراں نہیں لبھیا تیں جیاں ہوروے

پکے قول قرار تو ڈیسیں تاں اتبار کریاں
عشق دا پیچہ ہک وعدے تے نال مٹھل دے لیاں
اسماناں تے چاڑھ کے گڈی کپسیں تاں نہیں ڈوروے
سارا پاکستان پھراں نہیں لبھیا تیں جیاں ہوروے

☆☆☆☆☆☆☆☆

مسیں ہکا رات تو ٹکدائیں اووی منتاں کر کے
چنتاں وات پئی لنگھدی ہے عمراں رات ڈیہاں مرمر کے
میں مجبور محبتاں دا تے تو سانول منہ زور وے
سارا پاکستان پھراں نہیں لبھیا تیں جیاں ہوروے

☆☆☆☆☆☆☆☆

سونا چاندی ہیرے موتی نالے گھر میں واراں
تیں توں سورج دھپ تے چانن یار قمر میں واراں
موراں کوں بھل ویندیاں پہلاں ڈیکھ کے تیڈی ٹوروے
سارا پاکستان پھراں نہیں لبھیا تیں جیاں ہوروے

لال گلابی لاچہ بنھ کے پھلاں دے رت کھلیا کر
 بھیڑا کملا دل آہدا ہے روز اسا کوں ملیا کر
 ارشدی اس عرضی اتے کجھ تاں کریں ہا غوروے
 سارا پاکستان پھراں نہیں لبھیا تیں جیاں ہو روے

☆☆☆☆☆☆☆☆

ڈوہڑے

بھانویں ہجر کوں صدیاں بیت کیئیں بھانویں ججن جوانی رہی نی
 تیڈے یار تصور وچ راہنداں سوں رب دی اکھ جھمکائی نی
 تیڈے درد مسلسل چونہدے ہن کڈھی قطرک ارشد ساہی نی
 تیڈے ہجر اچ روندال ہر ویلے ایہا عادت اج تائی گئی نی

اس ہجر عذاب توں بعد اگر تیڈے ججن وصال دا ڈینہہ ہوسی
 تیڈی راہ وچ باہساں صدیاں تائیں بھانویں ہک ہک سال دا ڈینہہ ہوسی
 توڑے ہک ہک ساہ ہک چنچ ہوسی ہر ڈینہہ جنجال دا ڈینہہ ہوسی
 جس ڈینہہ توں ملسیں ارشد کوں اوہا عید دے نال دا ڈینہہ ہوسی

جڈاں ججن بنیرے تے باہ کے کوئی کاں کرک اندائے رو پونداں
میڈے آندھ گوانڈھ اچ جیندئی گھر مہمان جو آندائے رو پونداں
میڈے سنج گھر دا جڈاں ارشد کوئی آ درکھڑا اندائے رو پونداں
اگے ساون خوشیاں آنڑدا ہائی ہنڑ مینہ جولا ہندائے رو پونداں

☆☆☆☆☆☆☆☆

جیس کوں لبھدا ہائیں اوہا مل گئے فی ایہا یار مبارک ہونی
پرے بھالا میں جئیں مفلس کوں زردار مبارک ہونی
دولت دیاں تانڑیاں رج رج کے سرکار مبارک ہونی
کہڑا فرق ہے ارشد رل ویسی نویں یار مبارک ہونی

☆☆☆☆☆☆☆☆

سچی ٹیک ہوندى دم اپڑیں دی کڈاں بنڑد اکوئی رکھوالا
جڈاں وقت زوال دا آپوے ہر سنگتی لنگھدائے پاپلا
جیڈا راٹھ ہووے فی بنڑ سگدا مفلس دا پالنڑ والا
ارشد جی اپڑیں بلدی دا ایہا مسمیں سیک نہ شالا

☆☆☆☆☆☆☆☆

کھڈوڑاں

نہ خود دل کے آیوں نہ قاصد بھجوائی

چنگا عہد سجزاں وفا کر چھڑوائی

بھاویں عرصہ گزرائے میں تانگا بچ راہنداں

اے توڑیں سجزاں بوہاٹل کے باہنداں

نہ بھیجائی سنیاء نہ خط کوئی گھٹوائی

چنگا عہد سجزاں وفا کر چھڑوائی

تو رسیا ہیں ایویں بہاراں دی رسیاں

تے کندھ کر کے ٹرپیاں چن میں توں خوشیاں

میکوں یار درداں دا تحفہ بھجوائی

چنگا عہد سجزاں وفا کر چھڑوائی

تیڈی اکھ دی مستی تے پھل ہن مہکدے

تیکوں ڈیکھ کے ہن پرندے چمکدے

فضا شہر دی ساری سنج کر سٹوائی

چنگا عہد سجزاں وفا کر چھڑوائی

تو اپڑاں میکوں چھوڑ دیسیں
 میکوں کیا پتہ ہائی تو ایویں کریسیں
 بنڑا کے کھڈوڑاں چناں بھن سٹوئی
 چنگا عہد سجزاں وفا کر چھڑوئی

میڈے پیار تے جہڑے ہن سڑدے رہندے
 میکوں ڈیکھ کے اج مذاقاں کریندے
 میکوں کل زمانے دا ہاسہ بنڑوئی
 چنگا عہد سجزاں وفا کر چھڑوئی

رسالاں کتاباں تے غزلاں لکھداں
 تیکوں ڈھول جانی میں شعراں لکھداں
 لوکی آدھے ارشد کوں شاعر بنڑوئی
 چنگا عہد سجزاں وفا کر چھڑوئی
 ڈوہڑہ

ونج قاصد لبھ دیراناں وچ اوں کوں بھاندیاں سنجیاں جھانیں
 اگے ارشد درد رسیدہ ہئی کجھ پیار دے نال الائنیں
 ڈسیں اوں کوں سجزاں سٹ گھتیائی تیڈا کوئی نی راہ گیا سائیں
 لا وارث ہو گیا نئیں دنیا تے رو لمیاں کر کے باہیں

بس توتے میں

کیس لگی جئیں جھاتے چن سانول ہک میں ہوندا ہک تو ہوندا
 یا گھر دے نکے جئیں لان دے وچ میں پھل تے تو خشبو ہوندا
 تو نکی نکی گل توں بھڑویندا نالے میں توں موڈ بنڑا گھندا
 ہتھ جوڑ کے زاریاں کر کر کے میں تیکوں یار منا گھندا
 دیندا زخماں لئی بنڑ مرہم تو میڈے درداں دا دارو ہوندا
 یا گھر دے نکے جئیں لان دے وچ میں پھل تے تو خشبو ہوندا
 تیکوں کول بلاہ کے چن اپڑیں ہکا ترترڈیکھدارا ہندا میں
 تیڈی دید عبادت بنڑ ویندی نہ اکھ قطرک جھمکاندا میں
 ہک بے دے وچ تھی گم ویندے ڈوں بت تے بس ہک روح ہوندا
 یا گھر دے نکے جئیں لان دے وچ میں پھل تے تو خشبو ہوندا
 ساڈے پیار پریت دی دنیا وچ نہ غیر کوئی سندھ لا سکدا
 لکھ سونے دا کوئی بنڑ ویندا نہ یار جدائیاں پاسکدا
 میں ہر جھاتیڈی کنڈھ بھردا میڈا تو سانول بازو ہوندا
 یا گھر دے نکے جئیں لان دے وچ میں پھل تے تو خشبو ہوندا

تیڈے ہتھ وچ پا کے ہتھ اپڑاں میں ساری عمر لنگھا ڈیندا
 کیندی نظر نہ پوندی تیں چن تے انجیں جگ توں یار لکالیندا
 تیڈا حسن ڈسیندا ہر جھاتے تیڈا جلوہ چن ہر سو ہوندا
 یا گھر دے نکے جئیں لان دے وچ میں پھل تے تو خشبو ہوندا
 چناں ٹپ ٹپ لاہندیاں کنڑیاں وچ اساں رل کے دھاندے ڈوہیں سانول
 کوئی اوکھا وقت جو آپوندا اساں رل مل ساہندے ڈوہیں سانول
 ہوندا جگرے تے نہ ہتھ ارشد نہ اکھ دے وچ آنسو ہوندا
 یا گھر دے نکے جئیں لان دے وچ میں پھل تے تو خشبو ہوندا

ڈوہڑے

جڈاں غرضاں مکدیاں ہر سنگتی سکروڑ دے وانگوں سٹ ویندائے
 جیہڑا حلف وفادے نت چاندائے اوہا ارشد ظلم تے ڈٹ ویندائے
 اللہ وقت زوال دا نہ آنڑیں ہر لگدا کولوں ہٹ ویندائے
 جڈاں رکھ سک ویندائے ارشد جی جیڈا قیمتی ہووے کٹ ویندائے
 تیڈا چھو نی بھریا ارشد تے تاں تو ظلم مزید ودھاسکدا آئیں
 خوشیاں دیاں پکیاں فصلاں تے تیڈا دل جو ہے ہل واہ سکدا آئیں
 تیڈا ہتھ جو روکاں تاں آکھیں میڈی پڑ دے وچ کنڈھ لاسکدا آئیں
 تیڈا سجن مفاد عزیز ہمی ہتھ غیر دی مندری پاسکدا آئیں

کیشے گھول پلائی ہئی

تیکوں ڈیکھ کے ماہی ٹھرداں تو نہ ہوویں تاں مرداں
 اکا جندڑی آنڑ پھسائی ہئی ڈس کیشے گھول پلائی ہئی
 نت عید مناؤں ہا ڈھولا نالے کھیڈوں کھاؤں ہا ڈھولا
 ایہا دل وچ حسرت ہے پئی ہکے گھروچ راہوں ہا ڈھولا
 میں توں قسم چوا گھن ماہیا ساری دنیا آنڑ بھلائی ہئی
 ڈس کیشے گھول پلائی ہئی

نم بھاندے چن تے تارے میکوں بھل گئے رشتے سارے
 دل آہدائے کردا راہواں ہکا تیں چن دا دیدا راءے
 تیڈے ہجرے وچ سڑویساں کوئی ایہہ جئیں بھا بھڑکائی ہئی
 ڈس کیشے گھول پلائی ہئی

تیڈے باہجوں راہ نہ سگدا اکا ہجر پچا نہ سگدا
 انجیں لگ گئیاں ہن پابندیاں تیڈا ناں وی چا نہ سگدا
 ہر ویلے چمدا راہنداں جیہڑی مندري یار پوائی ہئی
 ڈس کیشے گھول پلائی ہئی

تیڈ کی یاداں دے وچ راہندائے تیڈے تاں داورد کماندائے
 چوی گھنٹے قسمیں ارشد گلاں تیڈیاں کردار راہندائے
 ہس ہوش حواس وی پھٹ گئے کوئی چیزتاں یار سنگھائی ہئی
 ڈس کیشے گھول پلائی ہئی



قطعے

انجیں تاں نی رٹھاویندا کہ وت ول کے منی پوسی
 ہمیشہ دے وچھوڑے ہنڑ تیڈی تقدیر بنڑ گئے ہن
 تیڈی اکھیاں برساتاں دے موسم دانگی وس پئے
 خزاں دے سبھے صحران تیڈی جاگیر بنڑ گئے ہن



جیہڑا ہس ہس ملدا میں ہر کیس کوں ایہا گال پسندنی میکوں
 کوئی ہور تے تیڈا چن ماہی ہک وال پسندنی میکوں
 تیڈے باہجوں بھانویں ارشد جی میں سردی وچ مرو نجاں
 کوئی دسمبر وچ میں تے گھتے شال پسندنی میکوں

رس نہ تو سانول

میکوں ہجرے دے دس پا کے رس نہ تو سانول

میڈے دل دادر دودھا کے رس نہ تو سانول

تیڈے باہجوں چن میڈا جیوڑاں فضول ہے

پیار والی عرضی کوں کر چا قبول اے

انجھیں پیار دے نال الا کے رس نہ تو سانول

میڈے دل دادر دودھا کے رس نہ تو سانول

سوچاں دیاں باریاں نی بند میں توں ہونڑیاں

یاداں دیاں دھپاں ہر ویلے میں تے پونڑیاں

میکوں رت دے نیر روا کے رس نہ تو سانول

میڈے دل دا درد دودھا کے رس نہ تو سانول

تیڈے نال بیتا ہو یا ویلا تڑپاوے گا

پنچھیاں دا جوڑا جڈاں کٹھارل باہوے گا

جس پیاردی میکوں پا کے رس نہ تو سانول

میڈے دل دادر دودھا کے رس نہ تو سانول

منداں بہاراں وچ پھل کھل جائز گے
تیڈے نال بیتے ہوئے ویلے تاں نہیں آنز گے
میڈا امن سکون ونجا کے رس نہ تو سانول
میڈے دل دا درد دھاکے رس نہ تو سانول

ونجواں ضروری پئی تاں ہکا گل منیں ہا
سندھ دیاں پتریاں کوں نال گھدی ونجیں ہا
تڑپاسم کلیاں پا کے رس نہ تو سانول
میڈے دل دا درد دھاکے رس نہ تو سانول

کیندے میں سہارے اتے زندگی بتاواں گا
عید دے ڈیہاڑے چن کیس کوں گل لاواں گا
آدھا ارشد ہی کرلا کے رس نہ تو سانول
میڈے دل دا درد دھاکے رس نہ تو سانول

ڈوہڑہ

میڈے نال دے سامڑیں ہجر لکھاں جڈاں سنگدل سکھیا لکھڑاں
میڈے سارے لگدے مر گئے ہن ہکا ارشد اسدیاں نکھڑاں
چند ڈینہہ تاں نن جو ٹپ ویسن اس دردنی اصلوں مڑاں
او ہجر پسند گل پا گیا ہی ساری عمر دا روڑاں پڑاں

تھک گئی آں

اکھیں نال میں کملے ڈھولے کوں سمجھا سمجھا کے تھک گئی آں
 نی بجھدا چوڑیاں دل دل کے جھنڈکا جھنڈکا کے تھک گئی آں
 انہاں قاتل اکھیاں ج کجلے دی میں دھار چھکی متاں سمجھ ونجیں
 اوہدے موٹھے دی ریشمی دھوتی میں کئی وار چھکی متاں سمجھ ونجیں
 اوہدے دل دے بند دروازے کوں کھڑکا کھڑکا کے تھک گئی آں
 نی بجھدا چوڑیاں دل دل کے جھنڈکا جھنڈکا کے.....
 چھے گھو دی چوری کٹ کٹ کے اس سنگدل کوں کھلواندی رہی
 اوہدے والا نچ انگلیاں پھیر کے میں ادھی رات تا میں سمواندی رہی
 میں لسی تے پیڑے مکھڑاں دے بھجوا بھجوا کے تھک گئی آں
 نی بجھدا چوڑیاں دل دل کے جھنڈکا جھنڈکا کے.....
 لائی سرخی پوڈر تے مہندی نالے سویاں لائیاں والاں تے
 گل پا زنجیری سونے دی نالے لالی لائی گالاں تے
 نی اکھ وی چاندا لنگھ ویندائے بھجوا بھجوا کے تھک گئی آں
 نی بجھدا چوڑیاں دل دل کے جھنڈکا جھنڈکا کے.....
 کل رات دا سانول نی تکیا میں کلاں وانگوں بھوندی رہی
 لکھ جھاتیاں پائیاں جیتاں چوں نالے ارشد بک بک روندی رہی
 گڑ ڈے ڈے چھوٹے بالاں کوں پچھوا پچھوا کے تھک گئی آں
 نی بجھدا چوڑیاں دل دل کے جھنڈکا جھنڈکا کے تھک گئی آں

☆☆☆☆☆☆☆☆☆☆

دیدار چاہندے ہاں

گھڑی گھڑی اساں دیدار چاہندے ہاں
تھوڑا جیاں تیڈے کولوں پیار چاہندے ہاں
کیویں ڈساں کیہڑے کیہڑے غم پئے ساہندے ہاں
اسے وی امید اتے راہواں مل باہندے ہاں
نکی نکی چن تکرار چاہندے ہاں
تھوڑا جیاں تیڈے کولوں پیار چاہندے ہاں

☆☆☆☆☆☆

ڈیکھدا میں راہواں تیکوں سامنے بلاہ کے
بھل دنجاں غم سارے تیکوں گل لا کے
وت وت ایہا سرکار چاہندے ہاں
تھوڑا جیاں تیڈے کولوں پیار چاہندے ہاں

☆☆☆☆☆☆

اللہ جائزیں چن ماہی ساکوں کیوں رواندا ہے
سزیا ہے غیراں دیاں مخفلاں سجاندا ہے
خس خس دل دا قرار چاہندے ہاں
تھوڑا جیاں تیڈے کولوں پیار چاہندے ہاں

☆☆☆☆☆☆

چناں تیڈے پیار دی جو آس لائی بیٹھے ہاں
کھیڑی اساں ڈھولنواں خدائی منگ بیٹھے ہاں
رت رت اکھاں دا خمار چاہندے ہاں

تھوڑا جیاں تیڈے کولوں پیار چاہندے ہاں

☆☆☆☆

جیہڑے ویلے دل کرے مل ونجیں آکے
دل نال ارشد دل او ملا کے
کدی کدی چناں انکار چاہندے ہاں
تھوڑا جیاں تیڈے کولوں پیار چاہندے ہاں

☆☆☆☆

ڈوہڑہ

میڈے خواب بھیا نک تعبیراں چ پیا نت بدلا میں راضی ہائیں
تو ارشد جتنائی پھر سکدائیں کر ظلم جفا میں راضی ہائیں
میں تے ہر ویلے بے تکیاں دی پیا بھا بھڑکا میں راضی ہائیں
میکوں پھٹ لا بے شک چتر چتر کے پرکولوں راہ میں راضی ہائیں

☆☆☆☆☆☆

کاش اللہ سائیں میڈی سنو گھندا تیڈے کولوں راہن تے ہاں تھیندائے
سر سبز پلاٹ اچ چند گھڑیاں نت نالے باہن تے ہاں تھیندائے
ہک بے دے پیار اچ ارشد جی وت قسماں کھاؤ نرتے ہاں تھیندائے
کیڈا کملا ہاں میں چن مائی تیڈے وال کھنڈاؤ نرتے ہاں تھیندائے

☆☆☆☆☆☆

کلیاں رتاں

رتاں آ گئی آں ہن من بھانوڑیاں
اساں کلیاں یار نبھانوڑیاں
راتیں چھت تے ٹپ ٹپ کنڑیاں دی
آندی یاد ہے بیتیاں گھڑیاں دی
تھیاں اوکھیاں ججن پچانوڑیاں
اساں کلیاں یار نبھانوڑیاں

☆☆☆☆☆☆

چن کوئل پئی کرلاندی ہے
تیڈے ہجر دے درد ودھاندی ہے
اکھاں روندیاں ہن مر جانوڑیاں
اساں کلیاں یار نبھانوڑیاں

☆☆☆☆☆☆

تیڈے ہجر اچ مینڈھیاں کھل گئی آں
سھے سرخیاں کجے بھل گئی آں
اساں کیس کون ججن ڈکھانوڑیاں
اساں کلیاں یار نبھانوڑیاں

☆☆☆☆☆☆

جڈاں چن بدلی وج آندا ہے
میکوں تیڈی یاد ڈواندا ہے

ناتے دسدیاں غم دیاں سادزیاں
اساں کلیاں یار نبھانوڑیاں

☆☆☆☆☆☆

دل تھڈے پیار دا عادی ہے
تھڈے باجھ بجن بربادی ہے
غم بھلدیاں قسماں کھانوڑیاں
اساں کلیاں یار نبھانوڑیاں

☆☆☆☆☆☆

آئیاں گھڑیاں قول قرار دیاں
پیاں کڑیاں تانڑیاں چاڑھ دیاں
گل کیں دے باہواں پانوڑیاں
اساں کلیاں یار نبھانوڑیاں

☆☆☆☆☆☆

کیوں دل ارشد گھبراندا ہے
ڈینہہ سوچاں وچ لنگھ جاندا ہے
راتاں رو رو بجن لنگھانوڑیاں
اساں کلیاں یار نبھانوڑیاں

ڈوہڑہ

تیں توں دکھ ہو کے میڈی بھدی پئی کرلا کرلا کرلا کے
میڈے بکل دل کوں مار گھتائی ترسا ترسا ترسا کے
ہن تھک گیا ہاں بھاجرے دی مسما مسما کے
ہوندا ارشد ظلم ہے جند کڈھڑاں تڑپا تڑپا تڑپا کے

ساکوں یاد کریں تو
 ساڈیاں تانگاں دج بوہے کھول رکھیں تو
 ہک ڈینہہ چن سانول ساکوں یاد کریں تو
 جاں دی کریں ہار سنگھار اے یاد آسی تیکوں ساڈاپیار اے
 ساڈیاں گلیاں دے مڑ پھیرے پیسیں تو
 ہک ڈینہہ چن سانول ساکوں یاد کریں تو
 پزیریاں جھنوکا سی کوئی جاں وی چوڑیاں پا سی کوئی
 اکھیاں دے اتھرو دس کنجیں یار رکھیں تو
 ہک ڈینہہ چن سانول ساکوں یاد کریں تو
 کجلا پائیں یاد اسائیں سرخی لائیں یاد اسائیں
 عید تے چن ماہیا کنجیں مہندیاں لیسیں تو
 ہک ڈینہہ چن سانول ساکوں یاد کریں تو
 رل پکھیاں دا جوڑا باہسی تیکوں ارشد خون روا سی
 کیں کوں دس سانول وت گل نال لیسیں تو
 ہک ڈینہہ چن سانول ساکوں یاد کریں تو

ڈوہڑہ

پیا زخماںچ لا تو زخم نویں لاواں میں مرہم تو تاں آکھیں
 ودا غیراںچ عید منا سجتواں تھیوے اکھ جو نم تو تاں آکھیں
 تیڈے در توں ہٹ کے ہو رکڈا ہیں اٹھے یار قدم تو تاں آکھیں
 نت ارشد میں توں رسیا رہ تھیواں میں برہم تو تاں آکھیں

کوڑا ملکاں دا

دل لا کے دغا کمایائی واہ ڈکھیاں دا درد وٹایائی

تے کوڑا ملکاں دا

آدھا ہانویں تیڈے باہجوں لنگھسی نہ پل وے
تیڈے کولوں چھیتی چناں آنوڑاں میں دل وے
ونج سنگدل غیر وسایائی

تے کوڑا ملکاں دا

کیتے ہوئے وعدے سارے بھل گیاں ہانڑیاں
یاد کر چن ماہی قسماں پراٹریاں
میڈا پیار چا دل توں بھلایائی

تے کوڑا ملکاں دا

چراں تائیں تیڈیاں میں آساں چناں رکھیاں
تیڈے باہجوں ڈکھ ملے مار مار بکیاں
میکوں در در یار رلایائی

تے کوڑا ملکاں دا

درد جدائی والا گیتا نچ سمو کے
 کردا ہاں یاد تیکوں چناں رو رو کے
 کچھ ایہو جیاں درد ودھایائی
 تے کوڑا ملکاں دا

تیڈے نال بیتے ویلے کنجیں بھل جاواں میں
 چاڑیاں راتاں وچ ڈس کتھے جاواں میں
 بہوں ارشد کوں ترپایائی
 تے کوڑا ملکاں دا

ڈوہڑے

جیہڑا پیار توں پیارا لگدا ہم ادھا کر گیا ہم رسوا اے
 ہر موڑ تے ظلم دی بارش تھئی نم کیتا لکھ شکوہ اے
 کل حال سنداںواں نہ پھر دا بس ڈو حریفی قصہ اے
 انجیں ودھ ودھ ارشاد وار کیتس روپئی ہے مقتل گاہ اے
 آچن ماہی ہنڑ پھیرا پا پھل آساں دے کملا گئے
 راتیں گھر ڈائیں ولدے پنچھی چن میکوں تیڈی یاد ڈوا گئے
 بے رخیاں دی کچھ بھیڑ تھئی کچھ موسم درد ودھا گئے
 کیہڑا مانڑ محبتاں دا ارشد واہ سنگتی درد ونڈا گئے

کھڑکھڑ ہس دی ودی

ماہی خواب وچ آیا میگوں آکے گل لایا
تے میں کھڑکھڑ ہس دی ودی
تے تسکھیاں کوں ڈس دی ودی

میگوں ڈیندا ہے ماہی رمال اے میڈا سجنز کوں کتنا خیال اے
میں لوکاں توں لکاواں نالے سینے نال لاواں
اتے ڈرڈر رکھ دی ودی

میگوں ڈیندا ہے ماہی پھل وے نالے آدھا ہے نال میڈے جل وے
گل کیتی ہس چنگی بھاویں غیراں دا ہے سنگی
تے میں وت وت پھس دی ودی

میگوں ڈیندا ہے ماہی کانٹے میں چم کے لاندی ہاں ہاں تے
میڈا دل بہوں ڈرے نالے دھک دھک کرے
تے میں چوری چوری رکھ دی ودی

میگوں ڈیندا ہے ماہی گانی نالے لگدا ہے بہوں ارمانی
آکھے وت نہ میں ویساں تیڈے نال نبھیاں
تے میں خوشی خوشی نس دی ودی

میکوں ڈیندا ہے ڈھولا چھاپاے میں پائی تے خوش تھیا آپاے
 میں اکھیاں چراواں نالے بہوں شرمانواں
 اتے کجھ کجھ چھپی ودی

میکوں ڈیندا ہے ماہی چوڑیاں نالے کھاندا ہے قسماں کوڑیاں
 میکوں ملا ہے صنم مٹ گیا میڈا غم
 اتے ہس ہس ٹپدی ودی

میکوں ڈیندا ہے ماہی کوکا وتا رسا ہائی یار چروکا
 گیا خود او منی آئی خوشی دی گھڑی
 اتے ناں او ہدا چپدی ودی

میکوں ڈیندا ہے ماہی جھمکے ٹھنڈ پوندی ہے ڈاہڈی چمکے
 رتاں پیار دیاں آیاں تھیاں ختم جدایاں
 اتے خوشی کولوں پھٹدی ودی

میکوں ڈیندا ہے ماہی گھڑیاں میں ارشد متھے سڑیاں
 کر بیٹھی ہاں خفا رس سجنو گیا

اتے ہنڑ میں ترس دی ودی

سکھیاں اکوں ڈس دی ودی

نشیلے نین

نشیلے نین بہوں سوہنڑین میکوں کر گئے تباہ قسمیں
 او ساڈا بھانویں نی بنڑدا لکس نہ تڑی وا قسمیں
 او سوہنڑاں ہے او چا بنجھا ہے او میڈے دل دا رانجھا ہے
 او ہدی کھا کھاں دے ٹو ہے لو کو پئے کر دے فنا قسمیں
 نشیلے نین بہوں سوہنڑین میکوں کر گئے تباہ قسمیں
 او ساڈا بھانویں نی بنڑدا لکس نہ تڑی وا قسمیں
 جڈاں بلیاں کھلیندا ہے او سجرے پھل کریندا ہے
 کھنڈا وے زلف موٹھے تے تاں چھاویندی گھٹا قسمیں
 نشیلے نین بہوں سوہنڑین میکوں کر گئے تباہ قسمیں
 او ساڈا بھانویں نی بنڑدا لکس نہ تڑی وا قسمیں
 او ہدا مکھڑا ہے من موہنڑاں تے چن کولوں وی بہوں سوہنڑاں
 او ہسدا سوہنڑاں بہوں لگداے راہوے ہسدا سدا قسمیں
 نشیلے نین بہوں سوہنڑین میکوں کر گئے تباہ قسمیں
 او ساڈا بھانویں نی بنڑدا لکس نہ تڑی وا قسمیں

جڈاں پنزیباں چھنڈکاوے تے موراں کوں وی شرمادے
 کجل دی دھار جاں چھکدائے ڈیندا دنیا ہلا قسمیں
 نشیلے نین بہوں سوہنڑیں میکوں کر گئے تباہ قسمیں
 او ساڈا بھانویں نی بنڑدا لکس نہ تیزی وا قسمیں
 میں صدقے کرڈیواں دل کوں اوہدے رخسار دے تل تے
 تے لٹ کے گھن ویندی ارشد اوہدی ہراک ادا قسمیں
 نشیلے نین بہوں سوہنڑیں میکوں کر گئے تباہ قسمیں
 او ساڈا بھانویں نی بنڑدا لکس نہ تیزی وا قسمیں
 ڈوہڑے

تیکوں رب کوں سونفام چن ماہی ساڈی خیر ہے یار نبھا گھنوں
 مڑ اساں کیہڑا صدیاں جیوڑاں ہے ڈوچار ڈیہاڑیاں گھنوں
 اساں رو پوسوں تنہائیاں وچ محفل توں زخم چھپا گھنوں
 میڈی طاقت کولوں ودھ ارشد جیہڑا بھار چواسیں چا گھنوں
 ہائے انج وی کوئی مجبور ہوندائے ہتھیں اپڑیں ٹورناں پوندائے
 جس سنگتی وچ جند ہوندی ہے اوہا سنگتی چھوڑناں پوندائے
 لہو جگر دا ہجر دے وچ ارشد نبووانگ نچوڑناں پوندائے
 واہ رب سائیں پیار بنڑایا ہی بیڑا تار کے بوڑناں پوندائے

کرلا کرلا کے روسیں

گل عشق دی مالا پاندا ہیں کرلا کرلا کے روسیں

مزے وصل دے تک گھن چاندا ہیں کرلا کرلا کے روسیں

امیدی ہر تعبیر تباہی ہے اس پیار دے خواب توں بچ ونبجیں ہا
آغاز ہوئی اجے سفر ادا پردرد عذاب توں بچ ونبجیں ہا
کنڈے اپڑیں کیجے لاندہا ہیں کرلا کرلا کے روسیں
مزے وصل دے تک گھن چاندا ہیں کرلا کرلا کے روسیں

☆☆☆☆☆

ہوئی ہجر دا تپدا تھل ایویں جیویں رقص کریوے بھاتے
تو اپڑیں لیکھ اچ لکھدا ہیں ساری عمراں دے جگراتے
جیہڑا بانہہ تے جن سماندا ہیں کرلا کرلا کے روسیں
مزے وصل دے تک گھن چاندا ہیں کرلا کرلا کے روسیں

☆☆☆☆☆

اے شوق ہوئی زرداراں دا مفلس دا اس تے حق کوئی ناں
اس دور دے وچوک ویندیاں ہن کسے ہیرا فتمیں پک کوئی ناں
گھر ریت دا سجن بڑاندا ہیں کرلا کرلا کے روسیں
مزے وصل دے تک گھن چاندا ہیں کرلا کرلا کے روسیں

اے عشق سمندر بہوں ڈونگھائے اتھے تارے سارے بڈویندے
 اتھے سوہنٹریں دانہ چک کے تے پکھوآں دے وانگوں اڈ ویندے
 پھل صحرا دے وچ لاندہ پیں کرلا کرلا کے روسیں
 مزے وصل دے تک گھن چاندہ پیں کرلا کرلا کے روسیں



بھانویں جگر دا خون پلا سانول اس دوروی ظالم سسی کوں
 اکا پیار وفانی ڈک سگدا اس زر دی بکھی تسی کوں
 غربت توں نظر چراندہ پیں کرلا کرلا کے روسیں
 مزے وصل دے تک گھن چاندہ پیں کرلا کرلا کے روسیں



سنج سڑکاں تے چن رل ونجروائی کدی وسداہائیں بھل ونجروائی
 خود غرضیاں دے سیلاب دے وچ کچی کندھ دے وانگوں جل ونجروائی
 ہتھ اپڑیں آپ کیاںدا پیں کرلا کرلا کے روسیں
 مزے وصل دے تک گھن چاندہ پیں کرلا کرلا کے روسیں



تنہائیاں دے اس سفر دے وچ چین آبلے جگرتے تھیندے ہن
ڈینہہ رات قصائیاں ہتھ چڑھ کے نت پئے جذبات کوہیندے ہن
خوشیاں کون داتے لاند اپیں کرلا کرلا کے روسیں
مزے وصل دے تک گھن چاند اپیں کرلا کرلا کے روسیں



اس ہرجائی کون ارشد جی کچی تند دے نال بیہند اپیں
جس ٹینڈ کوں دیمک کھاگئی ہے اسے شاخ تے پینگھ اڈیند اپیں
ہنڑ تانڑیاں یار مچاند اپیں کرلا کرلا کے روسیں
مزے وصل دے تک گھن چاند اپیں کرلا کرلا کے روسیں



ڈوہڑہ

میں قسمت بد کوں کیا آکھاں چڑھی پینگھ الاہریوں ٹٹ گئی
میں توں ظالم ہے منہ موڑ گیا پئے خوشیاں تے اج لٹ گئی
حالات دی گردش بدل گئی میکوں وچ درداں دے سٹ گئی
مقتل دی بھیڑ ڈساندی ہم ہے ارشد دی اج کھٹ گئی

سجناں کوں منع کرو

میڈا دل دل تڑپا دے نہ چن بدلی وچ آوے

تے زلفاں کوں منع کرو

چوری چوری سوہنٹریاں نہ انجیساں کوں تک دے

تیڈے کولوں پیار والا پوندا پیا شک دے

دل شک دے وچ نہ راہوے

تے اکھیاں کوں منع کرو

نماں نماں ہس کے تے جڈاں شرماندا ہے

لکھاں تے ہزاراں دے اودل لے جاندا ہے

نہ غیرانچ باہ شرما دے

تے سجناں کوں منع کرو

لنگھیاں تے گزریاں بہوں تڑپاندیاں

گلاں تیں چن دیاں میکیوں یاد آندیاں

میڈا چین امن لٹ جاوے

تے یاداں کوں منع کرو

غیراں دیاں جن ماہی چوٹاں نیں کراڑیاں
 حال میڈا تک کے تے مار دے نیں تاڑیاں
 اکھ ہر ویلے بھر بھر آوے
 تے ہنجو آں کوں منع کرو

تیڈے اس پیار چناں بڑے ڈکھ لائے ہم
 پھلاں دے بلیکھے اتے کنڈے گل پائے ہم
 دل ہجرے چ جل جل جاوے
 تے سوچاں کوں منع کرو

پیاردے سہارے اتے زندگی گزارداں
 بچناں توں دکھ ہو کے کم دانہ کارداں
 نہ ارشد کوں ٹھکرا دے
 تے بچناں کوں منع کرو

دوہڑہ

تیں توں وکھر ہون دی سوچ وی چن اکا ارشد پھرنی سکدا
 لکھ زوروی لاواں تاں دل کلام ہو ردا بھرنی سکدا
 کیہڑا پھڑکن ہوندا پھاتھی داتیں توں ڈو جھی کرنی سکدا
 تیڈے حکم بغیر تاں جیون کجا اے کلامرنی سکدا

سندھ دے کنارے

ماہی سندھ دے کنارے ڈوہیں باہ کے تجن پیارے
گلاں پیار دیاں کرسوں تیں دلدار دیاں کرسوں
اکا بھل کے ڈکھڑے سارے
وے ماہی سندھ دے کنارے

تیڈیاں زلفاں مکھ تے ڈھا کے شام کریاں ڈھولا
جھلمل جھلمل جگنوآں وانگوں آپ تکیساں ڈھولا
وے تیڈی اکھیاں دے ستارے
وے ماہی سندھ دے کنارے

ڈیکھ کے سانول کیوں تھی ویندین سارے لوک دیوانے
رل کے سوچسوں تلواراں ہن یا کہ ہن مئے خانے
وے تیڈے نیئاں دے چن بارے
وے ماہی سندھ دے کنارے

تیڈیاں بلیاں کوں غزلاں دے مطلعے آکھدارا ہساں
تیڈے گال ہن سیب قذھاری ہر کیس کوں سمجھاساں
وے سب توں سوہنڑاں میڈایارے

تیڈے نک داکو کاجانی ست رنگیاں رشنایاں
 کیڈی اچڑی جاہ تے ارشد تیں ونج اکھیاں لایاں
 وے میکوں آبدائے سارا شہراے
 وے ماہی سندھ دے کنارے



ڈوہڑے

نت عہد کرینداں بھل ویساں نت اپڑاں عہد بھلا باہنداں
 نت سوچداں زخم چھپا گھنساں نت اپڑاں حال سنز باہنداں
 نت من گھنداں اج ول آسی نت نویاں چوٹاں کھا باہنداں
 نت آکھداں ارشد نہ روساں نت چولا یار سپا باہنداں



پئے رج رج کھیڈ وڈھول تجن اساں یار بچاؤ نڑاں کوئی نہیں
 اے ول ول یار ترٹ سکدائے دل وانگ کھڈاؤ نڑاں کوئی نہیں
 مجبور ہاں حسن پرستی توں اے راز لکاؤ نڑاں کوئی نہیں
 میں توں قسم چواگھن ارشد جی تیڈے نال داسوہنڑاں کوئی نہیں



توبہ

بس پیارتوں میڈی توبہ ہے

تیں یارتوں میڈی توبہ ہے

تیکوں ڈکھ کے دل اے دھڑکا ہے

میڈے باہجوں پاگل تڑپدا ہے

پر جانڑداں ڈکھ اقراراں دے

اقرار توں میڈی توبہ ہے

تیں یارتوں میڈی توبہ ہے

چن ظلماں دی تو چس چنڈائیں

ہر وار رڈا کے ٹر وینڈائیں

ہنٹر پکیاں دل وچ سوچ لیاں

دیدار توں میڈی توبہ ہے

تیں یارتوں میڈی توبہ ہے

میں پیار اچ دھوکہ کھا بیٹھاں

کنڈیاں کوں جھولی پا بیٹھاں

نہ چاساں ناں اتباراں دا

اتبار توں میڈی توبہ ہے

میں جانڑداں چن دا ٹوٹا ہیں
 نم منڑاں اندر دا کھوٹا ہیں
 لکھ واری بھانویں آکھ ڈیویں
 تکرار توں میڈی توبہ ہے
 تیں یار توں میڈی توبہ ہے

میں راہی لکیاں راہواں دا
 میں عادی سنجیاں جھانواں دا
 میں وس کے آخر کیا کرڈائیں
 گھر بار توں میڈی توبہ ہے
 تیں یار توں میڈی توبہ ہے

بھانویں بڈساں تے بھانویں ترساں میں
 چن منہ ہوں اف نہ کرساں میں
 ارشد جی کوڑ سہارے نی
 پتوار توں میڈی توبہ ہے
 تیں یار توں میڈی توبہ ہے
 بس پیار توں میڈی توبہ ہے

ونج ہور شنایاں لا کملا

ہنڑ رونداتے کرلاندہاں ہیں وتا ہال دہایاں پاندہاں ہیں
 کر حسن تے ہور وسا کملا ونج ہور شنایاں لا کملا
 تیکوں آکھا نم تورل ویسیں بچھے کپڑے پاؤنڑ بھل ویسیں
 اکا جگ تے پاگل ہل ویسیں نہ سوہنڑاں دے ونج باہ کملا

ونج ہور شنایاں لا کملا

نت ونج کے پتڑاں تے باہسیں تنہائی ونج روسیں کرلاسیں
 بالآخر قسمیں پچھتاسیں نیو کردا حسن وفا کملا

ونج ہور شنایاں لا کملا

سکھ چین تباہ کرڈیندا ہے ہر ججن جدا کرڈیندا ہے
 اکا ساڑ سواہ کرڈیندا ہے اے پیار پئی بلدی بھا کملا

ونج ہور شنایاں لا کملا

وچوں سوہنڑیں بہوں سنگدل ہوندین اتوں مٹھڑی مٹھڑی کھل ہوندین
 اکا قسمیں پتھر دی سل ہوندین کر ویندین یار دغا کملا

ونج ہور شنایاں لا کملا

اتھے کوئی جسم دی کھل منگدائے یا کوئی نوٹاں دی چھل منگدائے
 یا اگلا تاج محل منگدائے تھیسیں ارشد یار تباہ کملا

ماہی چھٹی آؤنڈ آلا ہے

ماہی چھٹی آؤنڈ آلا ہے رنج دیدار کریاں
سامنے باہ کے نال اکھیاں دے ول ول پیار کریاں
خط آیا ہے اج سانول دا ول میں چھیتی آساں
ہجرتے درداں دے سب تیڈے آتڑفار مکاساں
ہک ہک لمحہ گنڈ گنڈ کے ہنڑ انتظار کریاں
ماہی چھٹی آؤنڈ آلا ہے رنج دیدار کریاں
ویہڑے وچ جو وڑی ماہی ملسی سب لگداں کوں
میڈے کولنڈ کانڈ بھواسی ہر پاسے نظراں کوں
باہ کمرے وچ پنزیباں دا میں چھنڈکار کریاں
ماہی چھٹی آؤنڈ آلا ہے رنج دیدار کریاں
کوڑا کوڑی اس توں قسمیں پہلے موڈ بنڑاساں
ہتھ او جوڑ کے ترلے پاسی منتاں خوب کراساں
وت اس سوہنڑیں دے گل باہواں دا چاہار کریاں
ماہی چھٹی آؤنڈ آلا ہے رنج دیدار کریاں

میڈے کنڑ جو گھن کے آسی تحفے میکیوں ڈیسی
 چوڑیاں کڈھ کے وینڑیں دے وچ میکیوں آپ پویسی
 جکھدی جکھدی میں سانول نال اکھیاں چار کریاں
 ماہی چھٹی آؤن آلا ہے رنج دیدار کریاں
 بدلاں وانگوں اڈ دی ویساں گھن عشقے دیاں چھلاں
 ساری ساری جاگ کے راتیں خوب کریسوں گلاں
 نال مرن دے نال جیون دے قول قرار کریاں
 ماہی چھٹی آؤن آلا ہے رنج دیدار کریاں
 خوشیاں دی نت رم جھم ہوسی نت میں عید مناساں
 سرخی لاساں کجلا چھکساں کپڑے روز وٹاساں
 نت میں اس دے کیتے ارشد ہار سنگھار کریاں
 ماہی چھٹی آؤن آلا ہے رنج دیدار کریاں

ڈوہڑہ

جتھے تیں تے میں دکھ تھیوڑاں ہے بس چند قدماں تے موڑاے
 تو سونا ہیرا موتی سہی چلو ارشد ہک سکروڑاے
 کڈاں آکھداں میڈے کولوں راہ کڈا تیڈے سنگ دی تھوڑاے
 میڈی زیست دے ٹمکدے ڈیوے کوں تیڈی آخری پھوک دی لوڑاے

دھرتی داحسن ودھا ذرا

گھنڈ مکھڑے توں سانول چا ذرا ہک وار دیدار کرا ذرا
دھرتی داحسن ودھا ذرا

انجیں مست شرابی اکھیاں نی ٹٹ مانڑ گئے میخاناں دا
جیں کوں نظراں بھر کے ڈیکھ گھنیں بھل ہوش وینداس پیماناں دا
لوکاں توں چن کتر اذرا

تو آکھے لگ کے لوکاں دے انجیں بنڑ دائیں ساتھوں بیگانہ
تیڈی اکھ دی سوہنڑیاں جنبش تے میں جان چاڈیاں نظرانہ
تو ہک واری ازما ذرا

جڈاں زلفاں ڈھاوون مکھڑے تے تک رات وی چن شرماویندی
تیڈے نازک لب جاں کھل ویندین دنیا تے مستی چھاویندی
تو زلفاں یار کھنڈ اذرا

تیکوں ڈیکھ گھنیں کوئی جس جھاتے اوبت بنڑ ویندائے اس جھاتے
تو پہلاں پا کے انج ٹردائیں پھل کھڑ ویندے ہن وچ راہ دے
موراں کوں ٹور بھلا ذرا

میکوں لفظ فی ملدے چن ماہی تیں سانول دی تعریف کیے
 رب صدیاں توڑیں سوچا ہائی ہکا تیں چن دی تخلیق کیے
 تیکوں لگے نہ تری واذرا

ساکوں گھیر کے ناز اداواں وچ کتھوں سکھیا ئی پاگل دل کرڑاں
 تیڈے اس شرمیلے ہاسے توں سکھاتا ریاں ہے جھلمل کرڑاں
 بس ہک واری شرمادرا

رنگ سارے گھن کے دھرتی دے تیکوں رب نے یار بنزایا ہے
 نالے کنول گلاب چنبیلی نے تیڈے بدن دالمس چرایا ہے
 لوکاں تو حسن لکا ذرا

جڈاں مکھ توں آنچل سرک گیا کل مست نظارے سڑوین
 ہک نظر جو قہر دی ڈیکھ گھنیں سھے پھل شاخاں توں جھڑوین
 کلیاں داروپ وٹا ذرا

تو مالک انیاں خوبیاں دا کئی قلم نہ ارشد لکھ سکسن
 دند چڑے تیڈے ڈیکھ جتن سب جوہری موتی سٹ گھسن
 کدی ہس کے چن ڈکھلا ذرا

دھرتی دا حسن ودھا ذرا

نہ کرسانول تنگ نہ کر

نہ کر سانول تنگ نہ کرجو چھوڑناں ہئی تاں چھوڑ ڈے
تیڈے باہجوں مر نہ ویساں در توں خالی ٹور ڈے
نتاں کرکراک گئی ہاں میں ہنڑ تاں قسمیں تھک گئی ہاں میں
جگرے دے وچ ہجر دا نیزہ کھوڑناں ہئی تاں کھوڑ ڈے
نہ کرسانول تنگ نہ کر

غیر دی من کے چن تڑپاندائیں نت نت ساکوں خون روواندائیں
جان چھڑا ہنڑ میں کملے توں سانگا بجن تروڑ ڈے
نہ کرسانول تنگ نہ کر

لنگھیاں چن برساتاں رو رو ڈھیر گزاریاں راتاں رورو
تیڈی سنگت تو رج گئی ہاں میں پیار اساڈا موڑ ڈے
نہ کرسانول تنگ نہ کر

تر تر ارشد تکدا راہسی کوئی شکوہ نہ لب تے آسی
غیر دے آکھے لگ کے جیویں پیار دی بیڑی بوڑ دے
نہ کرسانول تنگ نہ کر

نہ کر سانول تنگ نہ کرجو چھوڑناں ہئی تاں چھوڑ ڈے
تیڈے باہجوں مر نہ ویساں در توں خالی ٹور ڈے

کوڑا

بھل گئیں تو تے سھے قول تے قرار دے
کنجیں میں بھلانواں دلوں چناں تیڈا پیار دے

ہر پاسوں ڈس دیاں سنجیاں اے جھانواں
تیڈے باہجوں چن ماہی کہڑے پاسے جاواں
کتھے ٹرگیوں جانی گھن کے بہار دے
کنجیں میں بھلانواں دلوں چناں تیڈا پیار دے

ہنڑ پتہ لگا می وچھوڑے برے ہوندے نیں
حال میڈا تک کے تے لوکی روپوندے نیں
چنگا ہتھ کر گئیں سوہنڑاں دلدار دے
کنجیں میں بھلانواں دلوں چناں تیڈا پیار دے

اے توڑیں چانڑیاں راتاں پئی آں آندیاں
تیڈے کولوں وکھ ہو کے بڑا ترپانڈیاں
کھس کے تو گھن گئیں راتاں داخمار دے
کنجیں میں بھلانواں دلوں چناں تیڈا پیار دے

ہجرے دے ہتھوں چناں بک بک روند اہاں
 ہر ویلے ہنجواں دے ہار پروندا ہاں
 لہدا ہاں یاداں وچ چھین تے قراروے
 کنجیں میں بھلانوواں دلوں چناں تیڈا پیاروے

تیڈے باہجوں ہک پل راہانی تھینداوے
 جھٹ وی وچھوڑا تیڈا ساہانی تھینداوے
 رس پیاں ساڈے کولوں کیوں سرکاروے
 کنجیں میں بھلانوواں دلوں چناں تیڈا پیاروے

جیندے ساڈے جن ماہی بھانویں تو نہ سوچسیں
 اس ویلے ڈس کنجیں ہنجواں کوں روکیں
 راہ وچ آسی ماہی ساڈا جو مزاروے
 کنجیں میں بھلانوواں دلوں چناں تیڈا پیاروے

ہنڑ چناں لڑدا ہیں اوویلاوی ہووڑاں
 ہک ڈینہہ جن ماہی تیں وی آنڑرووڑاں
 جتھے آنڑ روڑ گے ہائے سنگی زارزاروے
 کنجیں میں بھلانوواں دلوں چناں تیڈا پیاروے

جگ اتے مانڑ ہی چناں تیں یار دا
تو وی ماہی بنڑ گیاں ویری میڈے پیار دا
پھلاں دے بلیکھے اتے گل پائے خاروے
کنجیں میں بھلانو اں دلوں چناں تیڈا پیاروے

لہو نال بھریاں فضاواں کتھے گھن ونجاں
ہجریج رکدیاں سہا ہواں کتھے گھن ونجاں
تیڈے باہجوں ہر ویلے رووے دل زاروے
کنجیں میں بھلانو اں دلوں چناں تیڈا پیاروے

چین تے سکون والی بیڑی پئی ہے بڈدی
ہر پاسے در داں دی دھوڑ پئی ہے اڈدی
سج پئے ڈسیندے میکوں سھے گلزاروے
کنجیں میں بھلانو اں دلوں چناں تیڈا پیاروے

جتھے پینگھاں پاندے ہسے اے اوہا برگد
کردا ہے یاد تیکوں دل آ ارشد
واسطہ ہئی پیار دا تو موڑ مہاروے
کنجیں میں بھلانو اں دلوں چناں تیڈا پیاروے

کڑوی گولی

زیست کرڑیں زمانے چ اوکھی ہوئی
زندگی دوستا کڑوی گولی ہوئی
بھانویں جتنی وی ہے زیست تلخی بھری
اڑیں آمد تے خوشیاں اے منواندی ہے
توشے برنی تے لڈو وڈیندے ہنی
ڈھول واہجے تے شرنائیاں وجواندی ہے
وت بڑی چھیتی رخ پھیر گھندی ہوئی
زندگی دوستا کڑوی گولی ہوئی



جیویں دھپ تڑی وچ کوئی بدل چھا ونجیں
ایویں بچپن بہاراں دا دور ہونو دائے
نالے ما پیو دی الفت دی چھتری تلے
قسمیں رنگیں بہاراں دا دور ہونو دائے
اے ڈیہاڑے ہوا بنڑ اڈاندی ہوئی
زندگی دوستا کڑوی گولی ہوئی

جیویں موسم اچانک بدلدائے ادا
اونویں چڑھدی جوانی دا زور ہوندا ہے
چاروں پا سے فضا واں بچ مستی رچے
نالے جذباں امنگاں دا شور ہوندا ہے
خواباں خواباں بچ چن تے پچاندی ہوئی
زندگی دوستا کڑوی گولی ہوئی



گئی جوانی تے خوشیاں سہے گھن گئی
زندگی وت عذاباں دی رات ہوندی ہے
ادھی لنگھدی ہے روزی دے چکراں دے وچ
ادھی فکراں تے سولاں دے وات ہوندی ہے
اندروں روندی تے اپروں اے ہسدی ہوئی
زندگی دوستا کڑوی گولی ہوئی



بک بیا روپ وی ایدا ہے دوستو
خالی ہمدردیاں توں اے بک دل ہنیں
اے اچانک جڈاں ظلم تے تل ونبجیں

مامتر نی دے کولوں وی سنگدل نہیں
 زخم دے وچ نواں زخم لاندی ہوی
 زندگی دوستا کڑوی گولی ہوی

☆☆☆☆☆☆☆☆

اے شیراداں کوں ڈیندی چا کشلول ہے
 ناتواواں توں مزدوری کرواندی ہے
 دشمنان دا تاں کم دشمنی ہوندا ہے
 اے سجن کولوں پڑ وچ چا مرواندی ہے
 چھوٹے بالاں توں محنت وی گھندی ہوی
 زندگی دوستا کڑوی گولی ہوی

☆☆☆☆☆☆☆☆

کیندے کتے وی گھیوتے پئے ڈوھ پیندے ہن
 کیندے بالاں کوں روٹی میسر نیو
 کوئی ہک سوٹ بس ہک دفعہ پاندا ہے
 کیس کوں چولا تے دھوتی میسر نیو
 ہک نوالے کیتے وی لوہاندی ہوی
 زندگی دوستا کڑوی گولی ہوی

اس توں تنگ تھی کے جھیرا وی رو ڈیندا ہے
 اس دی مجبوریاں تے اے ہس پیندی ہے
 علم دی روشنی دے بجائے ڈیکھ گھن
 نوجواناں دے ہتھ وچ چرس ڈیندی ہے
 کتنے گھراں دے ڈیوے بجھاندی ہوی
 زندگی دوستا کڑوی گولی ہوی



بے حسی دا ایدا روپ اے وی تاں ہے
 چھوٹے بالاں توں مایو اے کھس گھندی ہے
 وت یتیمیاں کوں دنیا جڈاں تنگ کرے
 دوروں کھڑکے تے قسمیں اے چس گھندی ہے
 وانگ پھر کی دے جگ تے پھراندی ہوی
 زندگی دوستا کڑوی گولی ہوی



زندگی تاں سراپا ہے درد و الم
 قسمیں خوشیاں دا دھوکہ تاں جھٹ ہے پیا

اتوں دوزخ عذاباں دی دھمکی وی ہے
 ساڈا جیون اے دوزخ توں گھٹ ہے پیا؟
 ہر قدم ہر گھڑی رت رواندی ہوی
 زندگی دوستا کڑوی گولی ہوی

☆☆☆☆☆☆

ساری محرومیاں کوں بھلاون کیتے
 یارو رکھدی ہے نثیاں دے وچ گھوک اے
 بدلے روزی دے ڈیکھو پھڑا ڈیندی ہے
 کتنے معصوماں کوں اے قسمیں بندوق اے
 ایہا تخریب کاری کراندی ہوی
 زندگی دوستا کڑوی گولی ہوی

☆☆☆☆☆☆

قطعے

تیکوں خبرتاں ہائی اے پہلے توں نہیں نکلا اب سراہاں چوں
 جڈاں پیر الفت وچ دھر باہویں نہیں چھٹدی جان عذاباں چوں
 ہنڑ درداں وچ پروتا پیں تاں رت دے نیر وہانداہیں
 تیکوں آکھانم پہلے ارشد جی گھنیں چنڑ تو خار گلاباں چوں

رے یار ترانوڑاں بیڑیاں کوں او ارشد پت جھڑ بھل سگداں؟
تیڈا سبق پڑھا نوڑاں عشقے دارہم یاد او فر فر بھل سگداں؟
جڈاں کوئی سوہنڑاں جوہن پوے تیڈی کھا کھاں دے ٹوہے یاد آندیم
تیڈا زلف کھندا نوڑاں مونڈھے تے او چانجھا منظر بھل سگداں؟



خیال ارشد ذرا رکھنڑاں کپوے دل نہ سی تھیوے
نیوی ہوندی اے خود داری رقیباں چ سر کوں خم کرڑاں
جڈاں بے شک تو تنہا تھیویں ڈھائیں مار کے روویں
اے محفل ہے اتھے جائز نیوی پلکاں کوں نم کرڑاں



کڈاں عادی ہاسے پھلاں دے اساں عطران دے خوشبوآں دے
اساں خوب بہاراں لٹیاں ہن تیڈی سنگت دے سرتے سانول
اساں عمر دے آخری لھٹے تائیں چس بھل سکوں ڈس کیویں
جیہڑیاں پینگھاں رل مل جھٹیاں ہن تیڈی سنگت دے سرتے سانول



قریب المرگ پنچھی وی نی کوئی پنجرے دے وچ ڈکدا
ے انساں موت دے قیدی کوں وچ زنداں کیوں ڈکدائے

اللہ کرے کوڑ ہووے

تیکوں قسماں سب بھل گئیاں تے اللہ کرے کوڑ ہووے

میکوں خبراں چن اے ڈھیاں تے اللہ کرے کوڑ ہووے

راتیں چناں خواب وچ ایہا کجھ تھیا ہے

تاراں کولوں رس کے تے چن ٹرپیا ہے

تعبیر توں ڈر دی پئی آں تے اللہ کرے کوڑ ہووے

میکوں خبراں چن اے ڈھیاں تے اللہ کرے کوڑ ہووے

بھنورے تے پنچھی دا کی اتاروے

دعا کیتاے تیڈے نال تیڈے دلداروے

میکوں آدھیاں ساریاں سیاں تے اللہ کرے کوڑ ہووے

میکوں خبراں چن اے ڈھیاں تے اللہ کرے کوڑ ہووے

وکھ ہو کے سنڑ یام بڑا خوش راہندا ہیں

ناں میڈا سنڑ کے چا متھے وٹ پاندا ہیں

اج غیر دیاں پنج گئیاں تے اللہ کرے کوڑ ہووے

میکوں خبراں چن اے ڈھیاں تے اللہ کرے کوڑ ہووے

حال میڈا تک کے تے لوکی سارے ہسدے
لگدے وی اج میں توں دور دور نسدے
سھے آساں اج ٹٹ کنیاں تے اللہ کرے کوڑ ہووے
میکوں خبراں چن اے ڈھیاں تے اللہ کرے کوڑ ہووے
غیراں دا تو چن ہمراز تاں فی ہو گیا
خبرے تو ساڈے توں ناراض تاں فی ہو گیا
میں ارشد سوچدی رہیاں تے اللہ کرے کوڑ ہووے
میکوں خبراں چن اے ڈھیاں تے اللہ کرے کوڑ ہووے
ڈوہڑے

مفلں دی سنگت توں ہر سنگتی انجیں قسمیں سانول پھٹ ویندائے
جھجیں پتلا ٹینڈا اندھاریاں وچ اکا منڈھ توں یار ترٹ ویندائے
بے مصرف ڈگری رت بکسانچ مفلں کوں ہر کوئی سٹ ویندائے
ہووے پیسہ ڈھیر تاں ارشد جی چنے قتل دا مجرم چھٹ ویندائے
اے حسن مکمل دنیا دا زردار دے کیتے بنڑیائے
رنگ رنگ دے چوشے نت گھنڑیں سردار دے کیتے بنڑیائے
مفلں دا ارشد ہر جذبہ بس دار دے کیتے بنڑیائے
ہوندائے مفلں ٹھوکراں مارن لئی کڈاں پیار دے کیتے بنڑیائے

اللہ کرے مر جاواں

تیڈا پیار جو دلوں میں بھلاواں تے اللہ کرے مر جاواں
کوئی ہور سجتڑ میں بنڑاواں تے اللہ کرے مر جاواں

قسمیں خدا دی میڈا پہلا پہلا پیار ہیں
تو تے چن ماہی میڈے دل دا قرار ہیں
تیڈے نال جو دغا میں کماواں تے اللہ کرے مر جاواں
کوئی ہور سجتڑ میں بنڑاواں تے اللہ کرے مر جاواں

پیار تے وفا دیاں قسماں میں کھاندی ہاں
چن تے ستاراں کوں گواہ میں بنڑاندی ہاں
تیں توں جھٹ دی جے مکھ پرتاواں تے اللہ کرے مر جاواں
کوئی ہور سجتڑ میں بنڑاواں تے اللہ کرے مر جاواں

پیار تیڈا دل وچ چناں سانہ رکھساں
ڈکھاں دی کہانی چناں کیس کوں وی نہ ڈساں
غم غیر کوں جے میں سنڑاواں تے اللہ کرے مر جاواں
کوئی ہور سجتڑ میں بنڑاواں تے اللہ کرے مر جاواں

دل ماہی چاہندا ہئی تان غیر ہسائے کر
 جناں وس لگدائی ڈکھ ماہی لائے کر
 کوئی شکوہ جے لب تے میں لاواں تے اللہ کرے مرجاواں
 کوئی ہور سجنڑ میں بنڑاواں تے اللہ کرے مرجاواں

اللہ دے حوالے چناں وسیں پیا شالا
 تیڈا ہووے ارشد رب رکھوالا
 تیکوں لگن جوتیاں ہواواں تے اللہ کرے مرجاواں
 کوئی ہور سجنڑ میں بنڑاواں تے اللہ کرے مرجاواں
 ڈوہڑے

سنگدل توں لوکو پچھ ڈیوہا کیوں یاری ترور گیا ہے
 پک کر بیٹھاں بے دوش ہاں میں مکھ کیوں اوموڑ گیا ہے
 من غیراں دی او گل ارشد میکوں راہ وچ چھوڑ گیا ہے
 کل دنیا دے درداں دے سنگ میڈا رشتہ جوڑ گیا ہے
 میں تیں توں باہجھ وی جی سکداں میڈا غلط تھیائے اندازہ
 تیں توں وچھڑیاں نال ہی بند تھی گے میں تے خوشیاں دادر وازہ
 ہکے واری ول آ جند توں وی تیڈا رکھساں خیال زیادہ
 ساری عمر اداس نہ تھیونڑ ڈیاں تیکوں ارشد میں ہک لحظہ

چھوڑ ڈتے

پنزیباں پانوڑاں میں چھوڑ ڈتائے

ونگاں چھنڈکانوڑاں میں چھوڑ ڈتائے

پٹھی سیندھ کڈھ کے تے لنگھ لنگھ جاندا ہے

تلے والی کھیڑی پا کے بڑا راتر اندا ہے

راہواں وچ باہوڑاں میں چھوڑ ڈتائے

ونگاں چھنڈکانوڑاں میں چھوڑ ڈتائے

کچلے دی چھکدا ہے دھارچن سانولا

دلاں اتے کردا ہے وارچن سانولا

اکھیاں ملانوڑاں میں چھوڑ ڈتائے

ونگاں چھنڈکانوڑاں میں چھوڑ ڈتائے

راڈو گھڑی بنھ کے تے باہواں ٹنگ لیندا ہے

ساڈے دل ارشد اکھ وی نہ چنیدا ہے

دل ترسانوڑاں میں چھوڑ ڈتائے

ونگاں چھنڈکانوڑاں میں چھوڑ ڈتائے

بوسکی دا چولا پا کے دھوتی لڑکاندا ہے
 ہیراں تے عقیقاں دیاں مندیریاں پاندا ہے
 نخریاں کوں ساہوڑاں میں چھوڑ ڈتائے
 ونگاں چھنڈکانوڑاں میں چھوڑ ڈتائے

گلے وچ پاندا ہے او سونے دی زنجیریاں
 کڈاں اوں کوں بھاندیاں نے ساڈیاں فقیریاں
 ہنڑ ڈکھی راہوڑاں میں چھوڑ ڈتائے
 ونگاں چھنڈکانوڑاں میں چھوڑ ڈتائے

وینڑیں اتے غیر دا اوٹاں کھٹوائی پے
 کوڑیاں محبناں دا دا ساکوں لائی پے
 اتھرو وھاوڑاں میں چھوڑ ڈتائے
 ونگاں چھنڈکانوڑاں میں چھوڑ ڈتائے

ڈوہڑہ

جیہڑی گزر گئی بس گزر گئی تو گزرے ویلے یاد نہ کر
 تیڈی خواہش تے میں چپ ہویاں ہنڑ رو رو کے فریاد نہ کر
 میڈی لاش تے کھول کے وال اپڑیں انجیں لگداں کوں ناشاد نہ کر
 ارشد دے مرن دی خیر ہے جن تو حال اپڑاں برباد نہ کر

ساڈارڑانہ کر

ساڈارڑانہ کروے چن ماہیا

نت لڑانہ کر وے چن ماہیا

میڈاڈھول سجن تو گل گل تے

انجیں اڑانہ کروے چن ماہیا

پئے عاشق لوک فنا تھیندین کئی گھر پئے سجن تباہ تھیندین

من منت میڈی تو کوٹھے تے نت چڑھانہ کروے چن ماہیا

ساڈارڑانہ کروے چن ماہیا

نت لڑانہ کروے چن ماہیا

کئی سوہنٹریں شہروں بھیج ویسں گڈیاں وچ گڈیاں وچ ویسں

توہنڑکاں دے چن موڑاں تے دل کھڑا نہ کروے چن ماہیا

ساڈارڑانہ کروے چن ماہیا

نت لڑانہ کروے چن ماہیا

کوئی سڑدا ہے تاں ساڈداراہ دل سجن رقیب دا پاڑداراہ

میں کملی کوں تو ملنڑ کیئے اکا ڈرا نہ کر وے چن ماہیا

ساڈارڑانہ کروے چن ماہیا

نت لڑانہ کروے چن ماہیا

اے پیسے ہتھ دے میل ہوندین قدرت دے سارے کھیل ہوندین
انہاں کاراں کوٹھیاں بنگلاں توں تو سڑا نہ کروے چن ماہیا

ساڈا رڑا نہ کروے چن ماہیا

نت لڑا نہ کروے چن ماہیا

گھن ڈاکیے کولوں سٹ چھوڑیں چپ کر کے تے دڑوٹ چھوڑیں
انہاں پاگل کلاں ڈکھیاں دے خط پڑھا نہ کروے چن ماہیا

ساڈا رڑا نہ کروے چن ماہیا

نت لڑا نہ کروے چن ماہیا

تیڈی بلیاں نازک پیانہ تیڈی اکھیاں خود ہن مئے خانہ
گھٹ پیوں لئی میخانے وچ تو وڑا نہ کروے چن ماہیا

ساڈا رڑا نہ کروے چن ماہیا

نت لڑا نہ کروے چن ماہیا

ہر ظلم جفا اے جر ویسی ہکے گل توں ارشد مرویسی
تو پیار دے نال رقیباں دا ہتھ پھڑا نہ کروے چن ماہیا

ساڈا رڑا نہ کروے چن ماہیا

نت لڑا نہ کروے چن ماہیا

اے پیسے ہتھ دا میل ہوندین قدرت دے سارے کھیل ہوندین
 انہاں کاراں کوٹھیاں بنگلاں توں تو سڑا نہ کروے چن ماہیا
 ساڈا رڑا نہ کروے چن ماہیا
 نت لڑا نہ کروے چن ماہیا

گھن ڈاکیے کولوں سٹ چھوڑیں چپ کر کے تے دڑوٹ چھوڑیں
 انہاں پاگل کملاں ڈکھیاں دے خط پڑھا نہ کروے چن ماہیا
 ساڈا رڑا نہ کروے چن ماہیا
 نت لڑا نہ کروے چن ماہیا

تیڈی بلیاں نازک پیمانہ تیڈی اکھیاں خود ہن مئے خانہ
 گھٹ پیون لئی میخانے وچ تو وڑا نہ کروے چن ماہیا
 ساڈا رڑا نہ کروے چن ماہیا

نت لڑا نہ کروے چن ماہیا
 ہر ظلم جفا اے جر ویسی ہکے گل توں ارشد مرویسی
 تو پیار دے نال رقیباں دا ہتھ پھڑا نہ کروے چن ماہیا
 ساڈا رڑا نہ کروے چن ماہیا
 نت لڑا نہ کروے چن ماہیا

بھرزہر جام پیتام

تیڈے نال دل میں لا کے بھرزہر جام پیتام

ہائے اے کیا چاکیتام

تیکوں اپڑاں چن بنڑا کے بھرزہر جام پیتام

ہائے اے کیا چاکیتام

تیڈے باجھ سنج ستارے چن نہیں اے دل کوں بھاندا

ہر دم خیال تیڈا میکوں ہے رت رواندا

تیکوں دل دے وچ وسا کے بھرزہر جام پیتام

ہائے اے کیا چاکیتام

ڈکھ ہن اے عمراں ساری خوشیاں داویلا تھوڑا

چند ڈینہہ تو پیار کر کے میکوں ڈے گئیں وچھوڑا

قسم وفا میں کھا کے بھرزہر جام پیتام

ہائے اے کیا چاکیتام


سرخی تے کجلا پوڈر تیڈے باجھ کیوں لیاں

آ خود تروڑ ونگاں تیڈے باجھ کیوں پیساں

مہندی وفا دی لا کے بھرزہر جام پیتام

ہائے اے کیا چاکیتام

ہو کے زمیں دا وادی چن نال دل میں لایا
 تیڈے نال کر محبتاں اپڑاں امن ونجایا
 ایہا اُچیاں پنگھاں پا کے بھر زہر جام پیتام
 ہائے اے کیا چاکیتام

مدتاں توں پیاسی اکھیاں آدیں چن کراونج
 میڈے دل دا سُجڑاں ویٹراہک وار تو وسا ونج 
 تیکوں من دے وچ وسا کے بھر زہر جام پیتام
 ہائے اے کیا چاکیتام

تیڈی مرضی ڈھول رس ونج تیڈی مرضی رت رواویں
 میکوں تیڈی قسمیں ارشد میں لگی ہاں تیڈے نانویں
 ایہا روگ دل کوں لا کے بھر زہر جام پیتام
 ہائے اے کیا چاکیتام

تیکوں اپڑاں چن بنڑا کے بھر زہر جام پیتام
 ہائے اے کیا چاکیتام

چوڑھویں داچناں

چوڑھویں دے چناں ہک کرداں سوال دے
سبناں کوں ونج کے تے ڈیویں میڈا حال دے
آندے راہندے ہر ویلے تیڈے ہی خیال دے
ڈسیں اوں کوں تیڈے باہجوں بچڑاں محال دے

ہجرے دی بھا وچ کڈاں دا میں دکھداں
آندے جاندے راہی کولوں تیڈی پیا پچھداں
رلداہاں تیڈے کچھے کتواں ہے سال دے
ڈسیں اوں کوں تیڈے باہجوں بچڑاں محال دے

یاد تیڈی چن ماہی بڑا ترپاندی ہے
ساری ساری رات میکوں قسمیں جگاندی ہے
پیار تیڈا چن ماہی میکوں گیا گال دے
ڈسیں اوں کوں تیڈے باہجوں بچڑاں محال دے

ہکے واری بس چناں پھیرا آکے پا ونج
عمران دے روندے ہوئے نین ہسا ونج
اکھیاں دا من گھن سوہنٹریاں سوال دے
ڈسیں اوں کوں تیڈے باہجوں بچڑاں محال دے

درداں دے ہتھوں چناں تھئی ہاں بے وس وے
 جند کُرا ندی ہی نیڑے آکے وس وے
 منتاں میں کردی ہاں ایہا نہ تو نال وے
 ڈسیں اوں کوں تیڈے باہجوں پچڑاں محال وے

زندگی دا ارشد آخری سہارا ہیں
 توتے جن ماہی میکوں جگ توں وی پیارا ہیں
 یاد تیڈی ہر ویلے راہندی نال نال وے
 ڈسیں اوں کوں تیڈے باہجوں پچڑاں محال وے

ڈوہڑہ

اس عشق بیماری چ جسم کولوں روح دور تھئی جندتاں چھٹی
 بے تکیاں جھل جھل دل دا شیشہ اکا چور تھئی جندتاں چھٹی
 تیڈی تانگ دی سانگ تے اکھ دی عانی بے نور تھئی جندتاں چھٹی
 جڈاں کھرچ کھرچ کے زخم ارشد ناسور تھئی جندتاں چھٹی
 ہتھ جوڑ کے کیوں میں منت کراں ملاج دا خادم بنڑ کے
 ہر چاہڑو تے تکرار کریں چاہڑیں ہک ہک چاہڑو گنڑ کے
 توتاں پکا پکا ونج کے وس پیہیں ارشد جی پرلی منڑتے
 ہنڑ تانگ ایچ عمر گنڑاں بڑیں ہے میں کھڑ کے اُری منڑتے

دل دھک دھک کردا

جڈاں چیرویں اکھ جھمکاندا تے دل دھک دھک کردا
نالے ہسدا تے نالے شرمانداتے دل دھک دھک کردا

مستی بھرا ہے اوہدا انگ انگ دے

سجدا ہے ماہی اُتے ہر رنگ دے

دب کولوں سنگ اسے دلبردا

حونیا دے بدلے میں لیا منگ دے

جڈیں سُٹ گلابی پانداتے دل دھک دھک کردا
نالے ہسدا تے نالے شرمانداتے دل دھک دھک کردا

ساہواں وچ میرے خشبو اسدی

چن اتے تاراں وچ لو اسدی

بس اوہدے ہاسیاں توں پھل کھڑدے

ساون دی لذت ہے جو اسدی

جڈاں ہتھ نال ہتھ ٹکرا انداتے دل دھک دھک کردا
نالے ہسدا تے نالے شرمانداتے دل دھک دھک کردا

سوہنٹریں دیاں ساریاں اداواں چابھیاں
 جیویں کوئی مورنیاں پہلاں پاندیاں
 چوڑیاں دی جڈاں کرے چھنڈ چھنڈ چھنڈ
 سراں ستے اوہدے کولوں شرماندیاں
 ماہی پائل جاں چھنڈ کانداتے دل دھک دھک کردا
 نالے ہسدا تے نالے شرمانداتے دل دھک دھک کردا
 جگ اتوں سوہنٹریں اوہدے سبھے نخرے
 دل دے کریندے ہن حصے نخرے
 رس پیا ساڈے کولوں کیوں دلبر
 مرویوں اوہدے کولوں تھئی کے وکھرے
 جڈاں ارشد ہے کتر انداتے دل دھک دھک کردا
 نالے ہسدا تے نالے شرمانداتے دل دھک دھک کردا

ڈوہڑہ

کدی سوچیا نائی انج ٹرپو سیں میکوں چھوڑ کے کلم کلا
 پئے ملک توں وکھرے وسدے ہاسے ڈوہیں رل کے خیریں صلا
 کدی درد ہجر دا منہ نائی تکیا تے ڈاہڈا وقت ہایا رسکھلا
 چلو تو سکھ مانڑیں ارشد جی ساڈی آپ نبھاسی اللہ

ساکوں یاد کر یسیں توں

ساڈیاں تانگاں وچ بوہا کھول رکھیں تو
 ہک ڈینہہ چن ماہیا ساکوں یاد کر یسیں تو
 جاں وی کر سیں ہار سنگھاراے یاد آسی تیکوں ساڈا پیاراے
 ساڈیاں گلایاں دے مڑ پھیرے پیسیں تو
 ہک ڈینہہ چن ماہیا ساکوں یاد کر یسیں تو
 پنزییاں چھنڈ کاسی کوئی جاں وی چوڑیاں پاسی کوئی
 اکھیاں دے اتھروڈس کنجیں یار رکھیں تو
 ہک ڈینہہ چن ماہیا ساکوں یاد کر یسیں تو
 بکلا پاسیں یاد اسائیں سرخی لاسیں یاد اسائیں
 عید دے ڈینہہ سانول کنجیں مہندیاں لیسیں تو
 ہک ڈینہہ چن ماہیا ساکوں یاد کر یسیں تو
 رل پکھیاں داجوڑا ہسی تیکوں ارشد خون روآسی
 کیس کوں ڈس ڈھولاوت گل نال لیسیں تو
 ہک ڈینہہ چن ماہیا ساکوں یاد کر یسیں تو

میڈاچن کتھے گیا

گھن نیٹاں دا کشکول میں پچھدی ہاں تاریاں کول
تے میڈاچن کتھے گیا

میکوں درداں دے وچ رول میں پچھدی ہاں تاریاں کول
تے میڈاچن کتھے گیا

ہرویلے سوہنڑاں چن تہاڑے کولوں راہندا ہے
میڈاچن وکھ ہو کے میکوں تڑپاندا ہے
ہک واری ڈیوہاگول میں پچھدی ہاں تاریاں کول
تے میڈاچن کتھے گیا

درد وچھوڑے والا ساہ نہ سگدی
اودے باہجوں ہک پل اکھ نم لگدی
سجھاں ڈسدا ہم ماحول میں پچھدی ہاں تاریاں کول
تے میڈاچن کتھے گیا

ادھی ادھی راتیں چناں اٹھ اٹھ باہندی ہاں
وچھڑی میں کونج وانگوں پئی کرلاندی ہاں
میکوں لہہ ڈیوسانول ڈھول میں پچھدی ہاں تاریاں کول
تے میڈاچن کتھے گیا

پیار تیڈا چن ماہی بھانویں میں لکاندیاں
 سب کچھ لوکاں کول اے اکھاں چاڈساندیاں
 نم بھلدے مٹھڑے بول میں پچھدی ہاں تاریاں کول
 تے میڈا چن کتھے گیا

تیکوں آ کے ارشد کیں پرچاؤنڑاں
 کسے وی فی زخماں تے مرہم لاؤنڑاں
 نہ درد پٹاری کھول میں پچھدی ہاں تاریاں کول
 تے میڈا چن کتھے گیا

ڈوہڑے

میں توں سنگتی پچھدین حال میڈا کیہڑا جڑ گیاں دا حال اے
 میڈا امن سکون تباہ کر کے وداٹر دائے غیر دے نال اے
 ہر شخص کول تر تر ڈیکھدا ہاں انجیں آیا یار زوال اے
 جیویں بال توں انگلی چھٹ ویندی میلے دی بھیر وچالے
 ڈاہڈی درداں نال شنائی لگی ہے میڈا ساہ ساہ زخمی تھی گے
 تیڈا عید دے ڈینہہ کول ٹرپوڑاں لہو جگر دا ارشد پی گے
 سنگ واہ واہ توڑ دا ڈے گیا ہیں چنگا تحفہ پیارا چ ڈھی گے
 تیڈے ٹردیاں ہی ڈکھ وپیڑی رت میکوں ہر پاسوں ولٹی گے

تو وی روسیوں تے میں وی روساں

نہ ونج پردیس مٹھا ماہیا اڈے تو روسیوں اڈے میں روساں

ہوی ہجر دی ظالم بھاماہیا اڈے تو روسیوں اڈے میں روساں

جڈاں کوئل کو کو کرلاسی

جڈاں بجن بہار دی رت آسی

لگی جھاتے وت باہ باہ ماہیا اڈے تو روسیوں اڈے میں روساں

ہوی ہجر دی ظالم بھاماہیا اڈے تو روسیوں اڈے میں روساں

جڈاں مٹھڑے لمحے سانو نژدے

ڈینہہ آسن جھولے جھولندے

پینگھاں دیاں رسیاں چاماہیا اڈے تو روسیوں اڈے میں روساں

ہوی ہجر دی ظالم بھاماہیا اڈے تو روسیوں اڈے میں روساں

جڈاں ٹھڈیاں ٹھار ہوا میں چلسن

جڈاں شام کوں پنچھی گھرولسن

تک تک کے سنجڑیں راہ ماہیا اڈے تو روسیوں اڈے میں روساں

ہوی ہجر دی ظالم بھاماہیا اڈے تو روسیوں اڈے میں روساں

جڈاں سانول عید شوال آسی

لوکاں لئی خوشیاں نال آسی

تصویراں کوں گل لا ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں

جڈاں بیریاں چاسن بورجن
دل کرسی بہوں مجبور تجن

وت ڈوہڑے ماہیے گاہ ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں

وس درداں دے اساں پوویسوں
ہک بے دے منہ توں لوہ ویسوں

نہ انج پردیس و سا ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں

ججین پترے یار خزاواں وچ

ہن اڈ دے تجن ہواواں وچ

ڈکھ انج نہ سا کوں لا ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں

گھر ریت دے جڈن بنڑ اسی کوئی
جڈاں گڈیاں چن پنڑ اسی کوئی

تصویراں کوں گل لا ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں

جڈاں بیریاں چاسن بورجن

دل کرسی بہوں مجبور جن

وت ڈوہڑے ماہیے گاہ ماہیا اڈے تو روسیں اڈے میں روساں

ہوی ہجر دی ظالم بھا ماہیا اڈے تو روسیں اڈے میں روساں

وس درواں دے اساں پوویسوں

ہک بے دے منہ توں لوہ ویسوں

نہ انج پردیس وسا ماہیا اڈے تو روسیں اڈے میں روساں

ہوی ہجر دی ظالم بھا ماہیا اڈے تو روسیں اڈے میں روساں

ججین پترے یار خزاواں وچ

ہن اڈ دے جن ہواواں وچ

ڈکھ انج نہ ساکوں لا ماہیا اڈے تو روسیں اڈے میں روساں

ہوی ہجر دی ظالم بھا ماہیا اڈے تو روسیں اڈے میں روساں

گھر ریت دے جڈن بنڑ اسی کوئی

جڈاں گڈیاں چن پنڑ اسی کوئی

یاد آ سی چھوٹا لا ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں
جڈاں سجن کتھائیں شہنائی و جسی
جڈاں دلہن بنڑ کے کوئی جسی

تھیںسی ہک ہک زخم ہر اماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں
رت جاں وی ارشد پلٹیںسی
جڈاں ہر ہک ساوار کھ تھیںسی

تھیںسی بنہاں تے ساوا گھا ماہیا اڈے تو روسیں اڈے میں روساں
ہوی ہجر دی ظالم بھا ماہیا اڈے تو روسیں اڈے میں روساں

ڈوہڑہ

تیکوں پیار دے نال نہ تکساں میں تیڈے راہواں دے وچ باہساں نہیں
تیڈے حکم مطابق ارشد جی میں پیار دے نال الا ساں نہیں
لب سیساں اتھرو ڈکساں چا میں زخم جگر ڈکھاساں نہیں
دھمی تھیون ڈے شالا سکھ مانڑیں تیڈے شہراج نظریں آساں نہیں

﴿حسن لازوال﴾

میکوں آئز ڈسا یائے باد صبا اے تیں دلدار اُسے رت ہے
 اے نال بہاراں ٹردیاں ہس اے سانول یار اُسے رت ہے
 اے ہاساں تے پھل کھڑدے ہس اے کھا کھاں وچ ٹو ہے پوندے ہس
 اے نیناں دی رُشنائی تے چا گرد پٹنگے ہوندے ہس
 اوہدی اکھیاں دے میخانے دا اے ہر میخوار اُسے رت ہے
 اے نال بہاراں ٹردیاں ہس اے سانول یار اُسے رت ہے

اے سمجھ گلاب دا پھل سجرا آ سرتے تتلیاں باہندیاں ہس
 اے موڈ تے موسم بدلے ہس اے پریاں آئز ساندیاں ہس
 اے تیں اس چانجھے سنگدل دا غیراں نال پیار اُسے رت ہے
 اے نال بہاراں ٹردیاں ہس اے سانول یار اُسے رت ہے

اے زلفاں پیار کھنڈاوے چا تاں مست گھٹاواں چھاویندین
 اے سرمہ اکھیانچ پاوے چا ہر پاسوں شماں آ دیندین
 اے توڑیں اس دے گالاں دارنگ سرخ انگار اُسے رت ہے
 اے نال بہاراں ٹردیاں ہس اے سانول یار اُسے رت ہے

اے توڑیں چڑیاں تے طوطے اوں کوں بکے تار اچ تھکدے ہن
 اے مندرانچ جوگی مورتاں دے ناں اس دے ناں تے رکھدے ہن
 اے توڑیں اس دے ویہڑے وچ اومست چنار اُسے رت ہے
 اے نال بہاراں ٹردیاں ہس اے سانول یار اُسے رت ہے

اے ملاح پہلے پور کیے سانول دا پوکھا گرھندے رہن
 اے قوس قزح تے پھل سارے رنگ دلبر کولوں پندے رہن
 اودی روشن کالیاں اکھیاں دا اے ہر ہر وار اُسے رت ہے
 اے نال بہاراں ٹردیاں ہس اے سانول یار اُسے رت ہے

اے چوڑی جو جھنڈکاوے چا ہر پاسوں پائلاں وجدیاں رہن
 اے گھرتوں باہر جو پیر رکھے ہر پاسوں گلیاں سجدیاں رہن
 رہناں ساڈے یار فقیراں دے چانجھے دا شہر اُسے رت ہے
 اے نال بہاراں ٹردیاں ہس اے سانول یار اُسے رت ہے

اودی زلف کھنڈے جو مونڈھے تے اے سپڑیں بنڑکے ڈنگدی ہے
 اودے گالاں دی اے سرخی توں رنگ شفق ادھارے منکدی ہے
 اودے حسن دا دریاہر پاسوں اے تائیں تار اُسے رت ہے
 اے نال بہاراں ٹردیاں ہس اے سانول یار اُسے رت ہے

او ذرک جو دھپ تے نکل پووے اے پھل وانگوں مرجھا ویندائے
 اے ہاتھ چڑھے تاں روپوندائے اے بدلی تک گھبرا ویندائے
 اے گل گل تے پھل کھڑدے ہس اے تئیں گفتار اُسے رت ہے
 اے نال بہاراں ٹردیاں ہس اے سانول یار اُسے رت ہے

ہتھ ذرک جو کھا کھتے لگ پووے اے توڑیں رت رسم پوندی ہے
 اوہس پووے تاں ہر پاسوں اے تئیں بجلی سکھم پوندی ہے
 او گل دنیا دے سوہنڑاں دا اے تئیں سردار اُسے رت ہے
 اے نال بہاراں ٹردیاں ہس اے سانول یار اُسے رت ہے

اودی بانگی چال کوں تک کے تے اے توڑیں مور کھلو دیندین
 اوہدے سامنے سحر بیان سھے اکا بھل ساری پشتو دیندین
 اکا ہر محفل تے چھا ویندائے اے تیں منٹھار اُسے رت ہے
 اے نال بہاراں ٹردیاں ہس اے سائول یار اُسے رت ہے

او چوڑھویں رات کوں نکل پووے تھی چانڑیں مدھم دیندی ہے
 اے بھل گالاں کوں دھون کیتے اوں کوں شبنم روز گلیندی ہے
 اوں کوں سونے چ تول کے گھسٹر کیتے ہر کوئی تیار اُسے رت ہے
 اے نال بہاراں ٹردیاں ہس اے سائول یار اُسے رت ہے

او قطرک کوڑ جو کر با ہوے سھے پھل شاخاں توں جھڑ دیندین
 اوہدے گال تے قطرے بارش دے اے توڑیں موتی بن دیندین
 اوہدے بھیکے بدن دی خوشبو دی میلاں تیں مار اُسے رت ہے
 اے نال بہاراں ٹردیاں ہس اے سائول یار اُسے رت ہے

ہتھ لا با ہوے جو کلیاں کوں اے پوراں زخمی تھی دیندیں
 ہنچ ڈھاؤن توں پہلے اکھیاں چوں اے توڑیں بلبلاں پی دیندیں
 اوہدے سرتے اج تیں چھاں کردی کونجاں دی ڈار اُسے رت ہے
 اے نال بہاراں ٹردیاں ہس اے سائول یار اُسے رت ہے

اے راہ وچ منگتے پے ہوندن ہک جھلکی دی خیرات کیتے
 اے تیں پے دل قربان تھیندن اودے ہک بوسے دی ذات کیتے
 میکوں ڈس او کلمے ارشد توں اے تیں بے زار اُسے رت ہے
 اے نال بہاراں ٹردیاں ہس اے سائول یار اُسے رت ہے

﴿گیت﴾


ہائیو وعدہ ہجر دی جاں ڈو پھر آسی تاں ول آساں
 سجن بھل گیس تیں آکھیا ہائی بہار آسی تاں ول آساں

کوئی پردیسی گھر آوے میڈی سوں پئی توں نہ روؤیں
 جڈاں چن آسی جو بن تے توں وچ گلایاں دے نہ بھوؤیں
 جڈاں کنڑکاں اتے چڑیاں دا جھار آسی تاں ول آساں
 سجن بھل گیس تیں آکھیا ہائی بہار آسی تاں ول آساں

جڈاں تو تاں تے بُور آسی تیڈے تڑ فارمک ولسن
 جڈاں چنبیلی پھل چا سی تاں انتظارمک ولسن
 جڈاں سوہنڑے گلاباں تے نکھار آسی تاں ول آساں
 سجن بھل گیس تیں آکھیا ہائی بہار آسی تاں ول آساں

ونڈارے ہن اے روزی دے جہڑا پردیس وںجڑاں پے
 نہ روؤیں تھوڑے عرصے کنڑ پر اے دیس وںجڑاں پے
 قسم ڈینداں ابے اگلا نہ ہاڑ آسی تاں ول آساں
 سجن بھل گیس تیں آکھیا ہائی بہار آسی تاں ول آساں

تیڈی یاداں توں زندگی بھر نہ مکھ میں موڑساں ارشد
 تیکوں ساوٹ دی رسم جھم وچ نہ تنہا چھوڑساں ارشد
 جڈاں بارش دی من موٹی پھوار آسی تاں ول آساں
 سجن بھل گیس تیں آکھیاہائی بہار آسی تاں ول آساں



﴿جن کوں آکھو ول آوے﴾

بہاراں آگیاں ول کے جن کوں آکھو ول آوے
ڈوہائیں پینگھاں پسارل کے جن کوں آکھو ول آوے

بنناں سانول تے ورداں توں انجیں جندڑی پھڑکدی ہے
رنجیں مچھلی کوں پانی چوں کڈھو چاتاں تڑپدی ہے
ہجرست گھتیا ہم تل کے جن کوں آکھو ول آوے
بہاراں آگیاں ول کے جن کوں آکھو ول آوے


کڈاں تیں رونیڑاں ہے میں کڈاں تیں او مرساراہسی
کوئی تاں اس توں بچھ ڈیوے میکوں کے تیں اوتر ساسی
تھکاں قاصد میں گھل گھل کے جن کوں آکھو ول آوے
بہاراں آگیاں ول کے جن کوں آکھو ول آوے

اودی دیداں دے لئی خالی ہے میڈے دل دا اے کاسہ
گھڑی بھر کوں اوّل پووے نی جھٹ زندگی دا بھروسہ
میں بیٹھاں راستے مل کے جن کوں آکھو ول آوے

بہاراں آگیاں ول کے بجن کوں آکھول آوے

جڈاں دأرس گئے میں توں نی آیا سکھ دا ہک لحظہ
 ہجر ترپاندا کتنا ہے نی اس کوں اسدا اندازہ
 تھیاں کولا میں جل جل کے بجن کوں آکھول آوے
 بہاراں آگیاں ول کے بجن کوں آکھول آوے

میکیوں ترپاندا بہوں ارشد کنجیں زندگی گزاراں میں
 میڈی لوں لوں دے وچ رچ گے کنجیں اس کوں وساراں میں
 ودار ونداں میں پل پل دے بجن کوں آکھول آوے
 بہاراں آگیاں ول کے بجن کوں آکھول آوے



﴿دوہڑے ارشد ہاشمی عیسیٰ خیلوی﴾

ذرا رُکناں راہیا گل سُنرناں تیکوں ارشدِ ملسی راہ تے
ودا روندنا زار و زار ہوئی او پیار دی لاش اٹھا کے
اوں کوں آکھیں تہڑتاں باز آونج ڈے چھوڑتوں ماٹن دفاتے
کجھ ہوندین متھڑے بد قسمت کیوں روندائیں کھیڈ ہرا کے

﴿-----﴾

پُھل چا کے سنگدل مسل ڈتا گیا راز دی گل سمجھا اے
میں توں بچ کے راہوڑاں ارشدِ جی تیڈا تھیں حال ایہا اے
جڈاں کیس تھی ویندائے عشقے دا ڈاھڈی ملدی سخت سزا اے
بن جیلاں ، بن ہتھکڑیاں دے ڈینڈا حسن ہے قید سنا اے

﴿-----﴾

ڈینہہ گزرے ارشدِ وِسر گیاں توتاں دی چھاں بھل
گیاں
ڈکھ اسدانی تو نکھر گیاں اکا یار گراں بھل گیاں
کاغذ دیاں بیڑیاں ساوٹن وِچ نالے چیر مانہہ بھل گیاں
چتر چتر کے جوگ دے دکھ دے گیس ملہار دا ناں بھل گیاں

﴿-----﴾

میں سوچیا نئی رانجیں اُجڑ دیسی ایڈی اس دی قسمت بد ہوئی
 لگی پینگھ کوں جھوٹے ڈے ڈے کے کھلا روند اوبے حد ہوئی
 کھری خاص نشانی پہنچدا ہیں غمگین دوا از حد ہوئی
 تمکین منہ تے داغ رہس ہنجوآں دے ونجیں بُجھ قاصدارشد ہوئی



ہتھ جگر تے رکھن مناسب نہیں پر درد شدید وی بہوں اے
 نہ سچل آوے اکھیاں تے اتوں اے تاکید وی بہوں اے
 اڈوں ول ول دل مجبور کریندائے اڈوں اوبے دید وی بہوں اے
 چلو ارشد اوں کوں ڈیکھ آؤں ساں تے دید وی عید وی بہوں اے



اے کیہ جیہاں درد عطا کرگیں جھٹ سکھ دا رہوں نی ڈیندا
 پئی نہدی ہے جن جگراتاں وچ اکا قطرک سوٹ نی ڈیندا
 تڑپاندا راہندائے ہر لمحہ ہتھ جگر توں چون نی ڈیندا
 جہڑے ڈینہہ دا در توں ہٹکائی ارشد کیں در تے ڈھون نی ڈیندا



پھٹ ڈکھدین تاں بھراہ باہنداں لب سی نہ سگدا قسمیں
 ہے زہر ہجر دا بہوں ظالم میں پی نہ سگدا قسمیں
 تیکوں سُنڑناں پوسی ارشد جی چپ تھی نہ سگدا قسمیں
 تیڈے بابجھوں مر تاں سگدا ہاں پر جی نہ سگدا قسمیں

نہ سسکی چیخ تے آہ نکلے نہ حرف پیارتے آوے
 تیڈے ہونٹاں تے مُسکان ہووے بھانٹویں جگر کپندا راہوے
 تنہائی وچ روگھن رج رج کے ہنج محفل وچ نہ ڈھاوے
 "جگراتے" کٹ پر ارشد جی نہ اکھیاں لالی آوے

شہزادہ دور دے دیساں دا کڈاں تیڈے گھر وچ راہ سگدائے
 تیڈی جھگڑی روشن کرن کیتے ڈس چن اسمان توں لاہ سگدائے
 ایڈی اُچڑی آس امید نہ رکھ کوئی سورج مُٹھ وچ پاسگدائے
 بس کر ارشد بھلا ہر کوئی کڈاں تاج محل بنڑا سگدائے


اس پیار توں ارشد باز آونج ھیئیں بھاہ دا یار المب اے
 نہیں وصل مقدر ہر کیس دا اتھے ہجر سٹیندا ڈنہ اے
 تعمیر گھر دی حسرت دا گیاں ڈیکھ نتیجہ کبھ اے
 پئی مردہ چڑی ہائی شجر تلے ہس پنچھ دے وچ ہک کھمب اے



بچ ارشد توں ودا پیار دے وچ اکا کوڑے لارے لائندائی
 تیڈی مانگ ہے کوٹھیاں بنگلاں دی اے کنگلا جگ دنیا دائی
 اس ٹھگ کن خالی پیار ہوئی پیا کوڑے خواب ڈکھائندائی
 جھگی ہک وی نی جیوا گھت سکیا وتا تاج محل بنزوائندائی



میڈی اڈی اوئی سائول راہ گئی ہے سوئہ رب دی بائہ تیں کیتے
 چلو ہر ڈکھ میڈی قسمت سہی ہووے سکھ دی چھاں تیں کیتے
 میں چھپ کے ارشد رو گھنساں دل تھیں جیاں تیں کیتے
 اڈے خوش وسدائیں تاں میں آکھ ڈیاں نم تھیندا ہاں تیں کیتے



لنگھ عمر گئی جگراتاں وچ ہر رات دے مجرم ہاں پئے
 رت اتھرو جگرتے سڈے رہے برسات دے مجرم ہاں پئے
 کڈاں ارشد تیڈیاں ویداں دی بُہتات دے مجرم ہاں پئے
 ہکے واری سجن زیارت دی خیرات دے مجرم ہاں پئے

واہ قسمت ساکوں رول ڈتائی نکے نکے دے بندے دے پیرانچ
 جیندے کیتے عمر تباہ رکیتم اُس عمر لنگھائی چا غیرانچ
 اساں ڈٹھے ہن دستِ حنائی سڑدے بھاہ لگی ہوئی ڈٹھی ہے سہرانچ
 تاہیں ارشد دردِ دل ساراچا سجن پروتام شعرانچ

نس جائز اچانک ٹر ونجڑاں کوئی خواب ڈکھا کے تاں ویندا
 خط لکھڑیں توں منع کر ویندا پتہ ڈھول ڈسا کے تاں ویندا
 اکا کوڑا سہی بھانویں ارشد جی کوئی لارا لا کے تاں ویندا
 چلو گل نئی لائدا کوئی گل نئی ہتھ یار ملا کے تاں ویندا


وَسِ نَمِ لَکَدا پیریں پو کے وی تیکوں سائول یار منا آنڑاں
 نالے سرتوں گھن کے پیراں تائیں تیکوں سونے نال سجا آنڑاں
 ہے ارشدِ غربت بہوں ظالم کنجیں ہیراں وچ سبدا آنڑاں
 دل کملائے ہاڑ دی دھپ دے وچ کنجیں چیترا یار ولا آنڑاں




چا گردوں خون اچ لہترے اوئے میڈا سائول یار گلاب کیوں ہن
 حیران ہاں میکوں روزانہ پئے ایہہ جنیں آندے خواب کیوں ہن
 بے رُخیاں بے پرواہیاں دے ایڈے نت نت بجن عذاب کیوں ہن
 کیا کچھ سگداں میڈا جن ارشدِ سرکار دے موڈ خراب کیوں ہن




اے توڑیں ارشدِ چپ راہنداں اے تیں یاداں تڑپاندیاں نی
 کوئی پھل جو شاخ توں تڑپوے اے تائیں اکھیاں بھر آندیاں نی
 کوئی وسدے مینہ وچ دھا پوے دس بہنواں ترم ترم وہاندیاں نی
 ہے اکھ وی جھمکن بہوں اوکھا تو کچھدائیں نیندراں آندیاں نی




جہڑا رسدا وشدا سنج کر گیس میڈا شہر تاں یار ولا ڈے
 چلو پیار نہ ڈے جہڑا پیار تے ہم اتار تاں یار ولا ڈے
 میں وی جیوڑاں ہے چلو کوڑی سہی مسکار تاں یار ولا ڈے
 ونگاں رکھ رگھن ارشد لوکاں لئی چھٹکار تاں یار ولا ڈے



جڈاں سنج تے لموے جن ماہی لگے عمر دے کرسیں پدھ روسیں
 جڈاں چھوڑ ویساں تیڈی نگری کوں گل لا کے وت مرقد روسیں
 وت وچھڑی کونج دے رت کر یاد بجن بے حد روسیں
 نت چھوٹے بالاں رت کر کے ارشد ارشد ارشد روسیں



ہاں بجن سراپا تاگ تیڈی کوئی ونج آکھے بجنوں کوں
 رگھن تسبیح جہڑا راہندا ہاں ڈینہہ رات تہاڈے ناں کوں
 تھ رکھ اکھیاں تے کھریاں چا کے نت نکداں تیڈیاں راہنہ کوں
 بس ارشد تیڈی دید کیتے میں روک رکھائے ساہواں کوں




کاش اللہ سائیں میڈی سُن گھنڈا تیڈے کولوں رھوٹ تے ہاں تھینڈائے
 سر سبز پلاٹِ اچ چند گھڑیاں رنت نالے بہوٹ تے ہاں تھینڈائے
 ہک بے دے پیارِ اچ ارشد جی وَت قسماں کھوٹ تے ہاں تھینڈائے
 کیڈا کلا ہاں میں چن ماہی تیڈے وال کھنڈاؤٹ تے ہاں تھینڈائے




میں نزع دی آخری سسکی تائیں نہ بھل سکساں سجٹاں کوں
 تھنُ حسرت دے نال تکرڑاں ہے تا حشر اُنہاں دی رانہہ کوں
 میکوں پک ہے اوی نہ بھل سگسی میڈے پیار دیاں جھوٹاں کوں
 تاہیں ارشد تیار سنبھال رکھام اودی پینگھ دیاں ^{رسیاں} جھوٹاں کوں




میڈی سُنج زندگانی لنگھ دیسی میڈے کول نہ ارشد آوے
 او خوش جو ہے وِچ غیراں دے دِل آئیاں کردا راہوے
 کڈاں عمر دی سنگت دا طالب ہاں کوئی اس کوں وِج سمجھاوے
 رَلے مینہ وِچ دھاؤٹ دی حسرت ہائی کتھے ساوٹ لنگھ نہ جاوے




جڈاں کیں نال پیار کریسیں توں جڈاں تیکوں کوئی ٹھکراسی
 جڈاں سالاں تیں تیڈی الفت دا اُکا کاسہ خالی راہی
 تیڈے جگر تے بھانبر درداں دے جڈاں ہجر دی بھاء بھڑکاسی
 وت ارشد ارشد کرسیں تو تیکوں ارشد نظر نہ آسی



ساری عمراں شہر بدر رکھ کے ہر سنگتی کول رہا سٹیاں
 جہاں گلیاں کوچاچ کھیڈ دے ساں اوہا ڈیکھن کانٹ لوہا سٹیاں
 میڈے زخمی دل کوں ارشد جی کر کھنڈیاں نال ذبح سٹیاں
 او آکھدا مر پو مر پوندا انجیں غیراں توں مروا سٹیاں




بدھی پنگھ تے ٹیٹ تڑٹ پیا ہا بد قسمت لاہواں رو پیاں
 ڈینہہ عید تے سانول ٹر دا پیں تاہیوں اڈیاں بانہواں رو پیاں
 تک چھالے دھپ دے پانڈھی دے تیخ بستہ چھاواں رو پیاں
 تیکوں ججن نکھیر کے ارشد توں خود آپ قضاواں رو پیاں




مجبوری ہے ہر عید دی شب کوں تیڈے خط تے فوٹو کڈھ باہنداں
 بھانویں جائزداں ارشد نی ولڑاں تاں وی رورو کے دت سڈ باہنداں
 کہڑے ویلے بجن سڈا بھیجے اسے واسطے مڈیاں لڈ باہنداں
 جڈاں موسم مہندیاں دے آندین لوکی ڈسدیم تلیاں اڈ باہنداں




پتے زرد خزاں دے ڈے کے تے پھل بجن بہار دے رگھن گے
 ڈکھ سارے جوگ دے بخش گئے سبھے سر ملہار دے رگھن گے
 پہلے پہراں دا بھائیوال ارشد ڈنگ پچھلے پہر دے رگھن گے
 میکوں سُنج کر ویندا کوئی گل نائی رنگ سارے شہر دے رگھن گے



میں سمجھ گیاں کیں حیلے وی میڈے یار توں کم نی آسگدا
 بھانویں پیر چماں تیڈی آکڑ وچ اکا ارشد خم نی آسگدا
 بہوں ڈاہڈین بول رقیباں دے تو رکھن بھرم نی آسگدا
 میں عزرائیل کوں روک رکھائے تو چار قدم نی آسگدا




سنگدل زندگی دے ارشد جی رنگ کتنے وار ڈٹھے نی
 بھاء لگی ہوئی جھیلا نچ یا دکھدے میڈا جھٹ چنار ڈٹھے نی
 پتہ پئی کنجیں ہجر ہے لگ کردا روہ ڈھاندے سار ڈٹھے نی
 رکھ سک کے لکڑ تھی ویندے ہن کڈاں انتظار ڈٹھے نی



تیکوں کیں آکھائے دلدار میڈا نہن جلدی آ میڈی نی نہدی
 میں نی آکھا سردار میڈا میکوں گل نال لاء میڈی نی نہدی
 اے وی نرم آکھا غمخوار میڈا کوئی پھیرا پا میڈی نی نہدی
 میں آکھائے ارشد یار میڈا میڈے کولوں راہ میڈی نی نہدی




میڈے سنکیاں پچھیاں کے ہو یاں کیوں سڑکاں تے ودا بھونڈائے
 کے کیتا سی بھیڑا ڈس تاں سہی کیوں گل گل تے رو پونڈائے
 ڈکھ ویڑھ گئے ہس ہر پاسوں ودا خوشیاں رکیتے لوہنڈائے
 او ہس ہس آدہائے ارشد کوں آکھو انج تاں پیار اچ ہونڈائے




تنہائی وچ روتاں سگدا ہاں ٹھنڈی آہواں بھرتاں سگداں
 یا اس تے وی پابندی ہے ہتھ جگر تے دھرتاں سگداں
 چلو میکوں ارشد نی ملنواں ہک گل میں کرتاں سگداں
 تیڈے بابجھوں جی تاں نہ سگدا تیڈے بابجھوں مروتاں سگداں



چلو غیر دی سہی تو جو سدا ہیں تھیواں اس میں بائہ توں صدقے
 جتھے عین ڈوپہر آرام کریں اس توت دی چھاں توں صدقے
 جتھے پینگھاں پاندائیں تو سائول اس رٹین تے لائہ توں صدقے
 ہک وار نہیں لکھ وار ارشد تیڈے سوہنٹریں ناں توں صدقے



ہر ویلے جگر تے ہتھ راہندم ایہا روگ ولا کے رگھن ونج
 پیا ہجرا پیندم رت ارشد میکوں نال رلا کے رگھن ونج
 جتھے یار نی یار کوں ڈکھ ڈیندا اسے سجن علاقے رگھن ونج
 میڈا لہو پیوٹ تے تل گئے ہن ایہا ہن جگراتے رگھن ونج



ہے ظالم پینڈا عشقے داہوی ہجر دا تھل تو رو پوسیں
 پرے ارشدِ انج نادان نہ بن نہ پیار دو ول تو رو پوسیں
 میڈے خون آلودہ جذباں دی سُن ہک ہک گل تو رو پوسیں
 جگراتے عمر دے بہوں اوکھین میڈا یار مٹھل تو رو پوسیں

ہوندا عشق اچ رلڑاں بہوں اوکھائے ڈیکھاں بازی ہار کے ڈیدھوں
 بے تکیاں جھل جھل جن دیاں لہو جگر دا کاڑھ کے ڈیدھوں
 نم آہدا قسمیں ارشد رت ساری عمر اجاڑ کے ڈیدھوں
 کیندے ہجر دے وچ بس رو رو کے ہکا رات گزار کے ڈیدھوں

اے درد ہجر تیڈے تحفے ہن اساں ہس ہس کے گل لاسوں
 جہڑے ویلے ای میں تنہا تھیاں رلے محفل لا کے باہوں
 جڈاں بہوں تنگ کرسی زخمِ دل تیڈا فوٹو چمڈے راہوں
 تو خوش راہ ساڈی خیر ہے چن اساں تیکوں ملن نہ آسوں

ہک داری مل تیکوں نہ ہٹکیساں پچھے یار ولا کے دل ونج
 کڈاں پیار میں ارشد مندا ہاں رلے عید لنگھا کے دل ونج
 لڑنپ کے کیس زردار دا چن میکوں وت ٹھکرا کے دل ونج
 بڑی حسرت ہے وت جگر اُتے میڈا ہتھ رکھوا کے دل ونج



کوئی گل تاں ہے کسے جرم پچھے ارشد لڑیندا وتائیں
 ہر گل ہا تیڈی لکھ لکھ دی ککھوں ہولا تھیندا وتائیں
 ہتھ جھٹک جھٹک کے تھک گئے او تو نال گھلیندا وتائیں
 کیس رلے ہوئے بندے دی آہ لگی پئی جہوانت چتھڑیندا وتائیں




کنجیں آکھاں ارشد اُجڑ گئیں کنجیں آکھاں رووٹ بس کر
 بھیڑا کے ملدا ہی کھاڑاں تے ڈینہہ رات کھلوٹ بس کر
 کڈاں بھیک راج ملدن پیار سجن اودے پیرے پوٹ بس کر
 تیکوں آکھا نم تو رل ویسیں نت بانہہ تے سوٹ بس کر




کہڑا ساڈے پیار دا مُل بھریائی ہر کیس نال یاریاں کر لے
 ساکوں قدم قدم تے خون رُٹا نالے دل آزاریاں کر لے
 بے رخیّاں جلدی رگھن وِسم سکاں پوریاں ساریاں کر لے
 جھلا ارشد ہتھ جو آگیا ہیّی رنج رنج سرداریاں کر لے



رسدیاں وسدیاں خوشیاں وچ انج زندگی رنگ بدلا ہے
 ہن ساہ میڈے بن سولی گئے تاہیں قاتل خوش راہندا ہے
 ودا پاگل پھر داں گلیاں وچ ڈھیا پیار دا اے تحفہ ہے
 تیکوں پتھر مارن بال ارشد تیڈے سجن دی اے منشاء ہے



میڈی ستم رسیدہ زندگی وچ ظلمات دی انج بُہتات اے
 ہر موڑ تے پیار دا ناں لے کے میرے کچلے گئے جذبات اے
 میں ہر سنگتی آزمائی بیٹھاں نُس ویندائے اوکھی جھاہ تے
 جہڑی اکھیاں چوں رت واہندی ہم تیڈی ارشد اے سوغات اے




میرے خون آلودہ جذباں تے سنگدل کوں تھئی تسکین اے
 ہس خواہش میڈے اُجڑن دی تائیں راہنداں میں غمگین اے
 میڈے پیار دی صاف کہانی ہائی تھئی ظلماں نال رنگین اے
 سنگدل توں ارشد رحم منگاں میڈے پیار دی اے توہین اے



جاں ویدھاں نال رقیب ہونداں ودا خوش ہوندائے سجائ وچ
 میں منگتا اس دے پیار دا ہاں کیوں باہوے او منگتاں وچ
 ایہا آس رہندی رہم ہر ویلے متاں آنکے عمراں وچ
 او چن ارشد دا خوش راہوے میڈی لنگھ ویسی ظلماں وچ



مکھ موڑ گیا ہیں چن ماہی جس پیار دی میکیوں پا کے
 دساز ہی، ہمراز ہی ہائیں سدا سینے لا کے
 جھن لنگھائیں نال رقیباں دے زخماں وچ زخم لگا کے
 میں سوچدا راہناں کے کھٹائی ارشد نوں رنج تڑپا کے



دائستہ چن ماہی ظلماں تے آمادہ ہے الفت وچ
 بالآخر سنگدل ڈنگ لیندین جیندی زہر ہوندائے فطرت وچ
 حیران ہاں میڈی زاری تے نہیں جوش آندا رحمت وچ
 میڈا ارشد شکر ادا کرسی جہڑی یار رکھیں حالت وچ




ہم واقف پیار دی سختی توں پر غم اتنا اندازہ
 ہک چن ماہی دے نکھرن تے میڈا بکھر ویسی شیرازہ
 جھٹ تاگ ہی کیوں دستک دی جدوں گھر دا نہیں دروازہ
 آکھے غیر دے منہ تے ارشد کون کنجیں پیار دا ہے خمیازہ



چن فردِ جرم میں سن بیٹھاں لگا رہم الزام وفا دا
 تسلیم کرینداں جُرماں کوں حق بٹدام یا ر سزا دا
 میکیوں دس تاں سہی اس جیون وچ کیس کوں سچن ملائے منشاء دا
 دس دیندم حال احوال ارشد ممنون ہاں بادِ صبا دا




آ بے شک نال رقیباں دے میڈی قبر تے بالکل جکھ نہیں
 کیوں ڈردائیں یار شریکاں توں جذباں دی ڈسڑیں رت نہیں
 در پردہ جشن منائی رکھدائیں چکھی ہجر دی تیں لذت نہیں
 انجیں لگدائے کیں کوں قول ڈتائی ارشد دی رکھٹی پت نہیں




سنگدل دا رستہ ڈیدھاں ڈیدھاں اکھاں راہ کنیاں بہن پتھرا کے
 معلم نہیں رکن ٹر گیا ہے جذباں دی پیاس ودھا کے
 پیا جیتدا ہاں وچ درداں دے ارماناں کوں دفنا کے
 جڈاں ماضی آرشد یاد آئندم ساہ نکل ویندائے گر لا کے




کڈھی عشق دی رسم ہے خود رب نے ایویں ناں ساڈا بدنام اے
 تنگ تھی کے ہجر دے درداں توں بھیجا وصل دا ہنس پیغام اے
 معراج دے ناں تے سال اٹھاراں کیتس سبناں نال کلام اے
 او پھر دا ہے تائیں ارشد دے جذباں دا قتل عام اے




پیار دے ہک ہک نکلتے دی کیتی سنگدل نے تشریح اے
 میں سمجھ گیاں وچ الفت دے ہوئدی غیراں کوں ترجیح اے
 جاں ملیا ہے وچ ظلماں دے رہیا کردا او توسیع اے
 بالآخر ارشد تنگ تھی کے لکھے پیار دے رہم مرئیے




جڈاں موت آویندی اے جذباں تے انسان تاں جیندیاں مرویندائے
 جڈاں ہتھ چھک لیندن سر دے سائیں شیرازہ یار بکھر ویندائے
 جڈاں مالی چھوڑ چمن ویندائے پھل دار وی بوٹا سڑ ویندائے
 جڈاں ارشد پیار گریز کرے سکھ چین سکون اجڑ ویندائے



طوفان اٹھا ہے نفرت دا لگی پیار نگر کوں ڈھا اے
 کل سپنے پیار تے الفت دے تھئے پل وچ یار تباہ اے
 میں توں لوکی پچھدن چپ راہندا ئیں توں کجھ تاں حال ڈسا اے
 کیوں ارشد آکھاں اجڑن تے بیدرد دی ہائی منشاء اے




جھٹ صبر تاں کر میں اُٹھ ویساں میڈی کچھ تسکین تاں تھیون ڈے
 تیڈی اکھیاںچ وِسدین پیمانے میکوں تھوڑی دیر دا پیون ڈے
 مڑ بے شک ارشد ظلم کریں میکوں اگلے زخم تاں سیون ڈے
 ہتھ جوڑ کے آدھاں سنگدل کوں اُجڑی کے تاں جن جیون ڈے




ایہا سوچ سمجھ کے بے دردا گیا چھوڑ ہے پیار نگر اے
 اس زخمی پنچھی کے اڈڑائیں جیندے کٹ لئے رہن میں پر اے
 لٹا سہج کے ہے میں ارشد کوں نرم ول کے وِٹن دا ڈر اے
 انجیں عادی ہوئیائے زخماں دا ودا لبھدائے آپ پتھر اے



سنگ سبزاں دے خوش وسدا ہَم ہک ڈینہہ دا اے قصہ اے
 تقدیر میڈی میکوں روک آدھی تیڈے واسطے ہک تحفہ اے
 بہوں کر چا گزریاں خوشیاں کُوں گھن درداں دا حصہ اے
 اُسے ڈینہہ دا ارشد اُجڑ گیاں کہڑا بجٹاں دا شکوہ اے



کدی طُور ملیں کدی عرش ملیں تیکوں ہجر دا کیا احساس اے
 میڈے وانگوں تو مجبور ہوندا تیڈی زخمی تھینڈی آس اے
 تیڈا یار تیکوں تڑپاندا کجھ رہندی وصل دی تیکوں پیاس اے
 آدھا ارشد وانگوں اُجڑ کے تو میکوں عشق نہ آیا راس اے




تقدیر دے یکدم پلٹن دی ایہا پیار بٹائے بنیاد اے
 دل لاٹ توں پہلے خوشیاں ہن ہم فکر توں آزاد اے
 ہُن ہسدیاں ہسدیاں رو ڈینداں انجیں ہجر کیتام برباد اے
 پئے پتھر لگدیم بالاں توں اے ارشد او ناشاد اے




سرمایہ میڈی زندگی دا میڈے ماضی دے منظر ہن
 کجھ موسم چیت بہاراں دے کجھ یاداں وچ پت جھڑ ہن
 کجھ جذبے قتل کرن والے معصوم جئیں پیکر ہن
 کجھ ارشد وچ برساتاں دے پئے ڈسدے جلدے گھر ہن


کُل ساڑن والیاں چیزاں چوں ہوندا عشق دا رنگ جدا اے
 مضبوط عمارت جسم دی کوں ویندا اندروں اندروں کھا اے
 اتھے جیوٹاں پوندائے لب سی کے ہوندا شکوہ جن بے جا اے
 ہر گزرن والا وقت ارشد ویندا درد مزید ودھا اے



شیش محل میڈی الفت دے بے دردا چکنا چور نہ کر
 میں جاٹا ہاں توں پھر دا ہیں روح جسم دے کولوں دور نہ کر
 نیم جان ساندھی میڈے سامنے توں انجیں غیراں کوں مسرور نہ کر
 میڈے پیار دا دشمن رہ ونجیں ہا میکوں آہواں تے مجبور نہ کر



افسوس نہ کر میڈے اجرٹ دا تیڈی خواہش دی تکمیل اے
 توں چاہندا ہائیں میں اُجڑ گیاں ہے بس اتنی تفصیل اے
 سمجھائی بیٹھاں ارماناں کوں نہ پیار دی کر ترسیل اے
 نہیں خون بہا جن جذباں دا تیڈی ارشد کوئی تاویل اے



زخم دے وچ وت زخم لگا جدوں پہنچیا یار دے شہر اے
 ہس اکھیاں رت جگراتے دی نالے پہلو دے وچ غیر اے
 وت تک کے میں ول ہس پیا ہائی اٹھی در دے درد دی لہر اے
 اُسے ڈینہہ دا بن مقسوم گئے تنہائی دا ارشد زہر اے



جہڑی گزر گئی بس گزر گئی تو گزرے ویلے یاد نہ کر
 تیڈی خواہش تے میں چپ ہویاں ٹھن رو رو کے فریاد نہ کر
 میڈی لاش تے کھول کے وال اپنے انجیں لگداں کوں ناشاد نہ کر
 ارشد دے مرٹ دی خیر ہے جن تو حال اپنا برباد نہ کر



اے آس تے سال گزار بیٹھاں جن عید دے ڈینہہ تاں آسی
 بھل ارشد سارے درد ویساں جڈاں گل دے نال چا لاسی
 نم جانڈا دل دا پتھر ہے وچ غیراں عید مناسی
 میڈے سامنے غیر کوں پا جھیاں میکوں رت دے نیر رواسی



طنز، ہجرتے درداں وچ میڈی زندگی رانج زخمائی گئی
 ہر موڑ تے غیر دی خواہش تے میڈی ہر کوشش ٹھکرائی گئی
 بے بسیاں ڈیکھو عید سعید وی ہنجواں نال سجائی گئی
 اڈوں ارشد آخری پچکی ہائی اڈے ہتھاں تے مہندی لائی گئی



میڈے ہنجواں دے گھن چن قطرے ارشد برسات بنائی گئی
 میڈے جگر دی سحری رت گھن کے وچ شفق دے یار ملائی گئی
 تیڈے ہجر چوں گھن کے خس بھورا اک دوزخ دی بنوائی گئی
 تیڈے وصل دا منگ کے ہک لحظہ کل جنت یار سجائی گئی




میڈے اجر تے پیا خوش تھیندائے او سوہنڑاں انج سنگدل ہے
 میڈے سب جذبے بے اثر تھئے بے رحم پتھر دی سل ہے
 چھک دولت دی میں توں کھس کھڑیا آدھاوت وی ہاں منزل ہے
 میڈی چپ توں ارشد یار آدھن اج اُجڑی ہوئی محفل ہے




دُکھ درد دا خالق عرض رہی ہک وار او دور ولائیں ہا
 میں رج رج کے کر دید گھناں توڑے وت چا ول نکھرائیں ہا
 ودا زخماںچ لائڈائے زخم نویں سنگدل کوں چھک کوئی لائیں ہا
 ہُن ویلے وِس دے بھل بیٹھائے ارشد کوں سجن ملائیں ہا



ہک غیر دے عارضی خلق پیچھے میڈا سارا امن تباہ کیتائی
 میری غربت ڈیکھ کے چن ماہی میڈی الفت کوں رسوا کیتائی
 میڈی لاش تے غیر ہسا بیٹھائیں حق پیار دا خوب ادا کیتائی
 بہوں مخلص ہائیں توں ارشد دا بیٹھا سوچدا ہاں اے کیا کیتائی



جہڑے ڈینہہ دا تحفہ ہجر بھیجائی غمگین راہندا ازحد اے
 میڈے خط اچ غیر کوں پیچھ منجھدائیں چن ظلماں دی اے حد اے
 کیس لگدے تے کیوں دوش ڈیواں میڈی اپنی قسمت بد اے
 تاہیں عید تے سنجیاں راہواں وچ بیٹھا روند ہائی ارشد اے




جے دل کلا اے بال ہوندا کیس گل تے تاں ٹھیک پوندا
 نی جاندا اپنی قسمت کوں ہے گل گل تے ولج پوندا
 کدی ارشد پھیرا توں پاندوں سُجیاں گھر میڈا سبرج پوندا
 ہکا تو میڈا بٹن ویندوں چن توڑے غم جگ دا پلج پوند



اس الفت و ج میں کے کھیاے جن امن سکون گنوا بیٹھاں
 سنگدل دے وصل دی خواہش وچ ہر سنگتی نال ونجا بیٹھاں
 انجیں ول ول جذبے قتل تھئے کر خون آلود فضا بیٹھاں
 بس ارشد پیار دی بازی وچ کٹاں زیت دا آپ ہرا بیٹھاں



جہڑا پیار توں پیارا لگدا ہم اوہا کر گیا رہم رسوا اے
 ہر موڑ تے ظلم دی بارش تھئی نم کیتا ککھ شکوہ اے
 گل حال سُناواں نہ پھر دا بس دو حرفی قصہ اے
 انجیں ودھ ودھ ارشد وار کیتیس رو پئی اے مقتل گاہ اے




جے دل کلا اے بال ہوندا کیس گل تے تاں ٹھگلیج پوندا
 نی جاندا اپنی قسمت کوں ہے گل گل تے وینج پوندا
 کدی ارشد پھیرا توں پاندوں سُجھاں گھر میڈا سبرج پوندا
 ہکا تو میڈا بٹن ویندوں چن توڑے غم جگ دا پلج پوند




اس الفت و چ میں کے کٹھیاے جن امن سکون گنوا بیٹھاں
 سنگدل دے وصل دی خواہش وچ ہر سنگتی نال ونجا بیٹھاں
 انجیں ول ول جذبے قتل تھئے کر خون آلود فضا بیٹھاں
 بس ارشد پیار دی بازی وچ کٹناں زیت دا آپ ہرا بیٹھاں




جہڑا پیار توں پیارا لگدا ہم اُوہا کر گیا رہم رُسا اے
 ہر موڑ تے ظلم دی بارش تھئی نغم کیتا لکھ شکوہ اے
 گل حال سُناواں نہ پھر دا بس دو حرفی قصہ اے
 انجیں ودھ ودھ ارشد وار کیتیس رو پئی اے مقتل گاہ اے



آ چن ماہی ہُن پھیرا پا پھل آساں دے کُلا گئے
 راتیں گھر ڈائیں ولدے پنچھی چن میکوں تیڈی یاد دوا گئے
 بے رُخیاں دی کجھ بھیر تھئی کجھ موسم درد ودھا گئے
 کِہاں ماٹ محبتاں دا ارشد واہ سنگتی درد وٹا گئے




حیران ہاں کیوں نم جگر پھٹا میڈے سامنے غیر منایاں
 بن پرکھیاں دل جو لایا ہم تاہیں پیار مذاق بٹایاں
 اج لوں لوں ہے میڈی زخمی تھئی واہ ارشد پیار نبھایاں
 کوئی ہنس پوے میں رو ڈینداں انجیں درداں نال رجایاں




سنگدل توں لوکو پچھ ڈیو ہا کیوں یاری ترور گیا ہے
 پک کر بیٹھاں بے دوش ہاں میں مکھ او کیوں موڑ گیا ہے
 من غیراں دی او گل ارشد میکوں راہ وچ چھوڑ گیا ہے
 کُل دنیا دے درداں دے سنگ میڈا رشتہ جوڑ گیا ہے



آ چن ماہی نہن پھیرا پا پھل آساں دے کُلا گئے
 راتیں گھر ڈائیں ولدے پنچھی چن میکوں تیڈی یاد ڈوا گئے
 بے رُخیاں دی کجھ بہیڑ تھئی کجھ موسم درد ودھا گئے
 کیہاں مان محبتاں دا ارشد واہ سنگتی درد وندا گئے



حیران ہاں کیوں نم جگر پھٹا میڈے سامنے غیر منایاں
 بن پرکھیاں دل جو لایا ہم تاہیں پیار مذاق بنایاں
 اج لوں لوں ہے میڈی زخمی تھئی واہ ارشد پیار نبھایاں
 کوئی ہنس پوے میں رو ڈینداں انجیں درواں تال رجایاں




سنگدل توں لوکوچھ ڈیو ہا کیوں یاری تروڑ گیا ہے
 پک کر بیٹھاں بے دوش ہاں میں مکھ او کیوں موڑ گیا ہے
 من غیراں دی او گل ارشد میکوں راہ وچ چھوڑ گیا ہے
 کُل دنیا دے درواں دے سنگ میڈا رشتہ جوڑ گیا ہے


توڑے بالکل چپ کر باہویں ہا بیٹھا راہویں ہا میڈے کول سجن
 تیکوں ڈیکھدا راہواں بُت بن کے میڈا جگ توں سوہنڑا ڈھول سجن
 توناں چاندائیں ، میڈا جگر کپندائے ایہا ونجن دی گل نہ کھول سجن
 ہمیں عرض ایہا من غیراں دی انجیں ارشد کوں نہ رول سجن




وت جگر تے ہتھ ہے کملے دا کجھ نویاں چوٹاں کھا بیٹھائے
 بے چینی صاف ڈسیندی ریس کیس لگدے نال ونجا بیٹھائے
 انجیں لگدائے پیار تے آفت کوں رساں دی بھینٹ چڑھا بیٹھائے
 گیا ارشد دے رت اجڑ ہوئی جہڑا درداں کوں گل لا بیٹھائے




تیکوں بھل نہ سکدا چن ماہی اے دل کلا مجبور اے
 میکوں چھوڑ کے جگ دے درداں وچ تُو راہندا ہیں مسرور اے
 ہتھ سنگدل دا ہے وچ ارشد یا اپنا رنج مقدر اے
 بیٹھا سوچدا ہاں کیویں پو گیا رہم آج خوشیاں تے چم چور اے




کر ظلم توں سنگدل پھر دا ہیں تیڈے نال پیار جو پا بیٹھاں
چند روزہ پیار دی اُس مَٹس تے ہر سنگتی نال رنجاً بیٹھاں
آڈکھ تاں سہی توں حال میڈا کنجیں عید تے جشن منا بیٹھاں
میں بُک وچ رگھن کے پیار دی رت چہرے تے ارشد لا بیٹھاں



توڑے زندگی بھر محتاط رہیاں ہک مَٹس توں غفلت ہوگئی
تیڈی اکھیاں ہم مجبور کیتا تیڈے نال محبت ہوگئی
تیڈے باہجوں ارشد گھبرانداں انجیں دل دی حالت ہوگئی
کے کھٹیا ہم تیڈے سنگ دے وچ جھنڈ کین دی عادت ہوگئی




تُو چھوڑ گیا مَٹس میڈی نہدی پئی چن گل گل تے جھنڈ کی کے
میں توں خوشیاں ہن منہ موڑ گیاں بن زیست گئی ہک چیک اے
تیڈے پیار چا ہوش بھلایا ہم ہنڑ سوچداں ہاں اُجڑی کے
نہ سنگدل دا اعتبار کریں گل سنکیاں دی ہائی ٹھیک اے




مین قسمت بد کوں کیا آکھاں چڑھی پینگھ اُلاہریوں مُٹ گئی
 میں توں ظالم ہے منہ موڑ گیا پئے خوشیاں تے اج لُٹ گئی
 حالات دی گردش بدل گئی میکوں وچ درداں دے مُٹ گئی
 مقتل دی بھیڑ ڈساندی رہم ہے ارشد دی اج گھٹ گئی



میں توں سنگتی پچھدن حال میڈا کہدا اُجڑ گیاں دا حال اے
 میڈا امن سکون تباہ کر کے ودا ٹردائے غیر دے نال اے
 ہر شخص کوں تڑ تڑ ویکھدا ہاں رانجیں آیا یار زوال اے
 جیویں بال توں انگلی چھٹ ویندی میلے دی بھیڑ وچالے



جیویں سُن وٹ ہائی وچ لوکاں دے توں اُس توں وی سنگدل نکلائیں
 تیڈے قدماچج نیر وہائے رہم بے رحم پتھر دی رسل نکلائیں
 تیکوں پیار دا رہبر منیا ہم تو جذباں دا قاتل نکلائیں
 جہڑا سارے لگدے لوہڑ باہوے تو ارشد او ساحل نکلائیں




ہر قدم تے میں توں رس و نجزاں ایہا سنگدل رسم مٹا ڈے
 ہکا دور نہ تھیویں اکھیاں توں بھاریں جتنی سچن سزا ڈے
 ہنٹ تنگ آیاں میں جیونڑ توں میکیوں ارشد آپ صدا ڈے
 پیا دل کلا گھبراندا رہم زلفاں دی یار ہوا ڈے



چا گردوں بالکل ویڑھ گئی میکیوں اُس ڈینہہ توں تنہائی
 جس ڈینہہ توں ارشد سائول نے ہے پیار دی گل ٹھکرائی
 میں مجرم سہی اوں کوں ہٹکو چا کرے ثابت نہ سچائی
 اس مر و نجزائیں جے ڈیکھ گھنیں میڈے زخماں دی گہرائی




ذرا رُکنا راہیا گل سُنڈناں تیکوں ارشد ملسی راہ تے
 ودا روندنا زار و زار ہوسی او پیار دی لاش اٹھا کے
 اوں کوں آکھیں ہنڑتاں باز آونج ڈے چھوڑ توں مانڑ وفاتے
 کجھ ہوندین متھڑے بد قسمت کیوں روندائیں کھیڈ رہا کے




پھل چا کے سنگدل مَسَل ڈِتا گیا راز دی گل سمجھا اے
 میں توں بچ کے راہوٹاں ارشد جی تیدا تھیںسی حال ایہا اے
 جڈاں کیس تھی ویندائے عشقے دا ڈاھڈی ملدی سخت سزا اے
 بن جیلاں ، بن ہتھکڑیاں دے ڈینڈا حسن ہے قید سنا اے



میڈے چین سکون تے الفت دا نہ گلشن یار تباہ کرٹاں
 میڈا اپنا بن کے ارشد جی پیا رج رج ظلم جفا کرٹاں
 ہکا بھا نہ لاویں ہجرے دی باقی ہووی جو منشا کرٹاں
 بہاہ ڈیدھی نہیں سجن تے دشمن کوں ایدھا کم اے ساڑ سواہ کرٹاں



جئیں دی چڑھی ہوئی پینگھ ترٹ ویندی پتہ اس دل کوں صداماں دا
 پچھ مالی توں کے گزر دی ہس جڈاں شاخ تے پھل مرجھاندا
 اللہ جانے میکوں کیوں ارشد بے درد سجن یاد آندا
 جڈاں بند پنجرے وچ کوئی پنچھی ہے تاراں تے ٹکرائندا




چن پیار دی بازی وِت کھیڈوں یک وار ہر اُتوں وِت میکیوں
 رکنجیں ہجر دے درد پچائے ویندین ایہا گال سکھا توں وِت میکیوں
 دانستہ غیر دی بانہہ نپ کے پیا جیٹ رٹا تو رت میکیوں
 تیڈے ارشد زخم سبب ہووٹ چنگا لگدائے جگر تے ہتھ میکیوں



ہوٹا زخمی پنچھی میں سجواں تیڈے ویٹھے دے وچ ڈھاندا
 میڈے ڈیکھ کے پھٹ توں رو پوٹا نالے ارشد ملماں لانا
 تیڈی باہواں وچ میں مر ویندا تو نال ہتھیں دفناندا
 اے قبر نشانی پیار دی ہے ایہا لکھ کے کتبہ لانا



میکیوں سنکیاں آٹھ ڈسایا ہے میڈا امن ونجا کے خوش وسدائیں
 میڈے گل چوں کڈھ کے بانہہ اپنی گل غیر دے پا کے خوش وسدائیں
 میڈے پیار پریت دے گھر سارے وچ خاک رلا کے خوش وسدائیں
 یہی پتھر دا دل چن ارشد دا جہڑا وطن چھڑا کے خوش وسدائیں



بِت پنچھی ڈوں اس شجر اتے باہ گاندے پیار دے گیت اے
 ہک بے دے وچ تھی گم ویندے جیویں میں تے ظالم میت اے
 وچ لذت پیار وسار ڈیندین اس جگ دی ظالم ریت اے
 ہوندا ارشد ہجر ہے عُمراں دا وصلہ چار ڈیہاڑ پریت اے




کہدا شکوہ یار دے ظلماں دا ہائی بھنورہ پی کے رس ٹر گے
 جاں باد خزاں چھاگل تے گئی ساڈے نال اوکر کے بس ٹر گے
 چند روزہ پیار دے جھانے تے رگن زندگانی دی جس ٹر گے
 مجبوس ہاں سبجہ دے پنجرے وچ انجیں ارشد کر بے وس ٹر گے




تیں سجن دے سانجھ سنجوگ لئی میں در در ہے کھڑکایا
 تیدے کیتے درداں سولاں کوں میں ہس ہس کے گل لایا
 میڈا جے توڑیں وس لگدا ہائی میں ارشد توڑ نبھایا
 تو سنگدل جے تائیں پھر دا ہائیں تیں چن چن کے پھٹ لایا




میڈا تو جے سچن گوانڈھی ہوندا تے میں رنج رنج دید کریندا
 رنت در تے باہ کے شام صباح پیا جج دے لطف میں چنیدا
 تیڈی تک کے صورت لاثانی پیا ٹھنڈ کلجے پیندا
 افسوس کہ ہیں بہوں دور ارشد پیا ہجر ہے جگر گلیندا




تیڈے پیار دی مٹھری چھاں باہجوں میڈی زندگی ہے صحرا اے
 تیکوں واسطہ ڈینداں الفت دامیکوں کر نہ رنج تنہا اے
 ایں گال اتے کوئی شک ناہی تے بیڑی ٹھلدی نہیں باجھ ملاح اے
 تیڈے باہجوں ارشد نہیں پجڑاں تے نہ میں توں لڑ چھڑوا اے




جاں دیگر ویلے گلیاں چوں ہے دھوڑ اٹھیندی یاد آنائیں
 رت چیت بہار اچ ہر ڈالی پھلاں نال لڈیندی یاد آنائیں
 کیس کونل دی میکوں درد بھری جڈاں کوک سڑیندی یاد آنائیں
 میڈے وانگوں ارشد جاں کیندی ہے جھوک لٹیندی یاد آنائیں




ہن چھوڑ ڈے جگر رسیاں کوں رہیں آخری بالکل ساہ اے
 ہوئی وقتِ نزع دی تلخی تے نہیں تلخی ہو رہا اے
 سائیں بن کے ہتھ رکھ اکھیاں تے نالے کفن تو آپ پوا اے
 بھیڑا محسن بن ونج ارشد دا کر آخری وقت وفا اے



ونج قاصد لکھ ویراناں ونج اوں کوں بھانڈیاں سُنجیاں جھائیں
 اگے ارشد درد رسیدا ہی کچھ پیار دے نال الائیں
 ڈسین اوں کوں سجٹاں سٹ گھتیائی تیڈا کوئی نی رہ گیا سائیں
 لاوارث ہو گئیاں دُنیا تے رو لمیاں کر کے باہیں




میڈے دل دُکھے دا کوئی سنگتی جاں درد وٹھاسی کے کرساں
 جڈاں پکھیاں دا خوش رنگ جوڑا آشاخ تے باہسی کے کرساں
 دُس ہجرے ونج میکوں دردِ جگر جڈاں خون رٹھاسی کے کرساں
 جڈاں عید دی شام کوں چن ارشد میکوں نظریں آسی کے کرساں



سُج تاریاں دی محفل کوں جاں چن آثر سجاڻدائے رو پونداں
 جاں کٹ کے پر کیس پنچھی دے کوئی پنجرچ پاڻدائے رو پونداں
 نوخیز بہار اِچ جاں کوئی پھل شاخ توں ڈھانڈائے رو پونداں
 اللہ جانے ارشد کے ہو یا م کوئی گل جاں لائڈائے رو پونداں




میڈا قطرہ قطرہ لہو پی کے ھُن پچھدائیں کہوا حال اے
 ودا تُرداں نپ دیواراں کوں اِچ گل پیا ظلم دا جال اے
 گل گل نال چولا پُس ویندام انجیں ویرھیا درد جنجال اے
 ساہ گھنداں جگر کینڈا رہم تیڈا ارشد یار کمال اے




رسدیاں وسدیاں پیار میڈے چا بدلے اِچ تیار ہن
 اُوبا لوکی کنڈھ کر لنگھدے رہن جہڑے زندگی دا محور ہن
 ہن خوشیاں آئیاں گردش وچ پائے غم دے میں زیور ہن
 جس پاسے ارشد نظر کراں سب جلدے ہوئے منظر ہن




میکوں لوگ آدھین کچھ وِس لگدائی تاں کیس صورت منوا گھن
 جے بچوانیں ارشد درداں توں اوں کوں غیراں توں ولوا گھن
 شبیرؒ دی پیاس دا تاں ڈے کے بے درد کوں کول سڈا گھن
 جے اے گل نی توں کرسکدا تاں کفن دی ریر ہوا گھن



پیا زخماں ج لا توں زخم نویں لاواں میں مرہم توتاں آکھیں
 ودا غیرانچ عید منا بچاں تھیوے اکھ جو نم تو تاں آکھیں
 تیڈے در توں ہٹ کے ہو ر کڈائیں اٹھے یار قدم توتاں آکھیں
 نت ارشدؒ میں توں رُسیا رہ تھیواں میں برہم تو تاں آکھیں



میں توں سکھیاں پچھدیاں ٹھگ ٹھگ کے ودی آؤنسیاں پاندی ہیں کیس کیتے
 کہڑا من موہنا راہیں چھوڑ گئی وِج راہ تے باہندی ہیں کیس کیتے
 کہیاں جھورا ارشدؒ لایا ہئی ودی جند پھڑکاندی ہیں کیس کیتے
 کچھ درد سناؤ دکھ ہو لے کر لب سی کے ساہندی ہیں کیس کیتے



تیں توں دکھ ہو کے میڈا جن ارشد کنجیں نہدے پئے حالات نہ پچھ
کنجیں پھس گیاں ہجر عذاباں وچ لٹے خوشیاں دے باغات نہ پچھ
باہ غیر دے سامنے رو پونداں اس الفت دے صدمات نہ پچھ
بس ڈیکھ چا سکیاں ٹینڑیاں کوں میں توں ہجرے دی گل بات نہ پچھ

پھل ٹٹیا آخر سک ویندائے باہویں سایاں پیٹھ ٹوکائے
کم اصل وفا نی کر سکدا باہویں جگر دا خون پلائے
سپ ہک ڈینہہ ارشد ڈنگ لیندائے باہویں چوریاں کٹ کھلوائے
پھٹے ڈودھ دی نہ یار ملائی بٹدی باہویں لکھ بھاہ تے ابلایے

میں نکلاں ہجر عذاباں چوں اودی ارشد اے منشا کوئی نہیں
ہٹن پھس گیا ہاں بند گلیاں وچ لیٹے نکلیں کیتے راہ کوئی نہیں
باہویں غیراں بنگلے پا چھوڑین اوں کوں اسدی ککھ پروا کوئی نہیں
ساڈے کیتے ڈھول دی نگری وچ ساڈی قبر دے کیتے جھاہ کوئی نہیں


دُوں چار ڈینہاں دی اَس تَس تے جڈاں اگلے زخم کُما گئے
 مَیں سمجھیا خوشیاں پچ گیاں مَیں توں درد کنی کترا گئے
 اَجے رَج کے نَم دیدار کیتا میڈے لیکھ ولاکا کھا گئے
 وِت ڈینہہ پھر گئے ہِن ارشد دے تاہیں سرتے بانہہ رکھوا گئے



تیڈی چپ توں ارشد تنگ آیاں ہکے ہاں چا کر، ہکے نانہہ چا کر
 ہکے ہجر چا میڈی قسمت کر ہکے میں تے وصل دی چھاں چا کر
 ہکے سکھ گمری دا باسی کر ہکے ہر ڈکھ میڈے ناں چا کر
 ہکے چوک چھڑا میں کملے توں ہکے میکوں وردِ جاں چا کر



میڈے مرن دا سوگ منایاں اِنج کہ گل ہر اک فانوس کیتاں
 میڈا پوک چھڑاؤں ظلماں توں میں سُنیائے بہوں محسوس کیتاں
 نت نت دے ظلم پچاؤں وِچ نویں یار جڈاں مایوس کیتاں
 میں سُنیائے ناں گھن ارشد دا کئی پنچھیاں کوں محبوس کیتاں



گھنڈ مکھڑے توں سانول چا ذرا ہک وار دیدار کرا ذرا
دھرتی دا حسن ودھا ذرا

انجییں مست شرابی اکھیاں نی ٹٹ مان گیکائے میخاناں دا
جینکوں نظراں بھر کے ڈیکھ گھنیں بھل ہوش وینداس پیماناں دا
لوکاں توں چن کترا ذرا

تو آکھے لگ کے لوکاں دے انجییں بنڑدائیں ساتھوں بیگانہ
تیڈی اکھ دی سوہنڑیا جنبش تے میں جان چا ڈیساں نذرانہ
تو ہک واری ازما ذرا

جڈاں زلفاں ڈھاوڑ مکھڑے تے تک رات وی چن شرما ویندی
تیڈے نازک لب جاں کھل ویندین دنیا تے مستی چھا ویندی
تو زلفاں یار کھنڈا ذرا

تیکوں ڈیکھ گھنیں کوئی جس جھاتے اوبت بنڑ ویندائے اس جھاہ تے
تو پیلاں پا کے انج ٹردائیں پھل کھڑ ویندے ہن وچ راہ دے
موراں دی ٹور بھلا ذرا

میکوں لفظنی ملدے چن ماہی تیں سانول دی تعریف کیتے
رب صدیاں توڑیں سوچا ہائی ہک تیں چن دی تخلیق کیتے
تیکوں لگے نہ تترئی وا ذرا

ساکوں گھیر کے ناز اداواں وچ کتھوں سکھیائی پاگل دل کرناں
 تیڈے اس شرمیلے ہاسے توں سکھاتاریاں ہے جھلِ میل کرناں
 ساتھوں ہک واری شرمادرا

رنگ سارے گھن کے دھرتی دے تیکوں رب نے یار بنایا ہے
 نالے کنول گلاب چنبیلی نے تیڈے بدن دالمس چرایا ہے
 لوکاں توں حسن لکا ذرا

جڈاں مکھ توں آنچل سرک گیا گل مست نظارے سڑوین
 ہک نظر جو قہردی ڈیکھ گھنیں سمھے پھل شاخاں توں جھڑوین
 کلیاں دا روپ وٹا ذرا

تو مالک اینیاں خوبیاں دا کئی قلم نہ ارشد سکھ سگسن
 دُند چڑے تیڈے سجن سب جوہری موتی سٹ گھتسن
 کدی ہس کے چن ڈکھلا ذرا

غزل

وقت ہے لنگھ گیا، تھی گے ارشدِ خفا ہن نہ افسوس اتنا کرودوستو
ہناکوں آدھا جو ہم خیال رکھنا ذرا ہن ودے رل کے اس کو لبھو دوستو

سیڈی لگڑی حوپیج کل رات بھر دین تھیندے ہے جہات کیں نہ گھتی
کون دکھڑے سنڑیں کون چیرکاں سنڑیں کون اتنا ہے ویہلا ڈسو دوستو

لُہ جانے میں کیوں تہاڈی اکھیاں دے وچ خار بن کے ہمیشہ کھٹکداں رہیاں
سیڈی قسمیں ہے بس تہاڈی دنیا کولوں خوش تھیو رل پتا سے ونڈو دوستو

یکدہ اے ہمیشہ سلامت رہوے جام تے جام خوشیاں دا چلدا رہوے
سیڈی واری مکی میں چلا دوستو جام میں توں تساں ہن گھنودوستو

رگی رہی تاں ول کے آساں رب دی سوں پکی گنڈ تھی وساں گھیو تے کھنڈ تھی وساں
غربت ولا میں تے آندا پیائے کچھ ڈیہاں کیے سب رُس وںجوں دوستو

گیت

نویں سنگت نویں یاری مبارک ہووی چن بھناں
اسے رت دی خوشی پیاری مبارک ہووی چن بھناں

اساڈا کیا ہے رُل ویسوں ہجر دے کالے جنگلاں وچ
اساں زندگی لنگھاڈیوں انہاں سنسان گلیاں وچ
تیکوں غیراں دی دلداری مبارک ہووی چن بھناں
اسے رت دی خوشی پیاری مبارک ہووی چن بھناں

بڑے عرصے توں چن ماہی توہائیں سنکٹاں تروڑن تے
جگر دا خون ڈے ڈے کے کیتی کوشش میں جوڑن تے
گیاہیں جت توں اس واری مبارک ہووی چن بھناں
اسے رت دی خوشی پیاری مبارک ہووی چن بھناں

بھن بن کے تیں سنج کیتی میڈی نگری محبت دی
میں مخلص ہم، میں مفلس ہم تیکوں ہائی لوڑ دولت دی
اے بنگلا تے محل ماڑی مبارک ہووی چن بھناں
اسے رت دی خوشی پیاری مبارک ہووی چن بھناں

تیڈے سب ناز چائے ہم تیڈے نخرے اٹھائے ہم
 تیڈے سب ڈکھڑے ہس ہس کے چا دلڑی نال لائے ہم
 زخم لایائی بڑا کاری مبارک ہووی چن سبھاں
 اسے رت دی خوشی پیاری مبارک ہووی چن سبھاں

تیکوں چھوڑم تیڈے رُلتڑیں تے ہاں رنجور بہوں قسمیں
 میکوں آدھا ہیں کیوں ارشد میں ہاں مجبور بہوں قسمیں
 تیکوں تیڈی اے لا چاری مبارک ہووی چن سبھاں
 اسے رت دی خوشی پیاری مبارک ہووی چن سبھاں

گیت

کوئی گل نئی ٹردے ویلے گل نال نس چالایا
افسوس اسدا بہوں ہے ہتھ وی چا نس ملایا

کاغذ دی بیڑیاں کوں سانول تراؤن بھل گے
ادھی راتیں اُس کوں گھرتائیں ساڈا پہنچاؤن بھل گے
اقرار سب وفا دے ہر عہد نس بھلایا
افسوس اسدا بہوں ہے ہتھ وی چا نس ملایا

لون اچ ملا کے مرچاں رمل مل کے کھانوڑاں او
بھج بھج کے تھک ترٹ کے تھلیاں تے باہوڑاں او
بچپن دا سوہنٹراں ویلا اساں یاد نس ڈوایا
افسوس اسدا بہوں ہے ہتھ وی چا نس ملایا

مٹی دا تیل چھپ کے گھر چوں گھن آنڑناں او
لکڑی تے بنھ کے تھکڑی لکھراں کوں ساڑناں او
اُکا ڈھول بھل گیا ہے بچپن کنجیں بتایا
افسوس اسدا بہوں ہے ہتھ وی چا نس ملایا

بانہہ وچ پھسا کے بانہہ دے خربازیاں اوکھاون
 ستھڑیں کوں ٹنگ کے یارو مینہاں دے وچ او دھاون
 ڈکھ دل کوں چیردا پے سب کجھ چاہس بھلایا
 افسوس اسدا بہوں ہے ہتھ وی چانسِ ملایا

چنبیلی دے عطر وچ بُڑواں بھگو کے ڈیون
 ٹردے او ٹیم بوسہ تلی تے رو کے ڈیون
 میڈا دل گواہی ڈیندا دلدار نی بھلایا
 افسوس اسدا بہوں ہے ہتھ وی چانسِ ملایا

او کوکلا شپیتی چ دمبولا کس کے وٹراں
 دانستہ وت دمبولا پچھوں آ کے سٹراں
 ایہو جئیں حسین یاراں میڈا چین ہے ونجایا
 افسوس اسدا بہوں ہے ہتھ وی چانسِ ملایا

تیں میں دی کر کے منتاں مانجھے لو انونٹریں او
گڈیاں دی بنھ کے کنیاں پیچے لڑانوٹریں او
ہر گل ہے یاد میکیوں کجھ وی تاں نم بھلایا
افسوس اسدا بہوں ہے ہتھ وی چا نس ملایا

گیت

بھانویں بولے تے یار نہ بولے

راہوے سجن اساڈے کول اے

پھل سجن تر وڑیم نیلے ہوندے ہن قسمت دے میلے

تھیوے نہ اکھیاں توں اولے راہوے سجن اساڈے کول اے

پھل سجن تر وڑیم گلیاں تیڈے ہجر چا کیتم جھلیاں

ودے دکھدے ہاں تھولے تھولے راہوے سجن اساڈے کول اے

پھل سجن تر وڑیم در توں تیڈا ناں وی نہ چاساں ڈرتوں

مک ویساں میں ہولے ہولے راہوے سجن اساڈے کول اے

پھل سجن تر وڑیم چھاں توں تیڈے مٹھڑے مٹھڑے ناں توں

تھیواں صدقے تے میں گھولے راہوے سجن اساڈے کول اے

پھل سجن تر وڑیم راہ توں ناں ربدائی جلدی آ توں

نی تاں گھر بن ویسم کھولے راہوے سجن اساڈے کول اے

پھل سجن تر وڑیم مندروں ڈھولا صاف جو ہوندا اندروں

نہ پوندے ارشد رولے راہوے سجن اساڈے کول اے



ہر ویلے جگرتے ہتھرا ہندام
ایہا روگ ولا کے گھن ونج
پیا ہجرا پندام رت ارشد
میکوں نال رلا کے گھن ونج
جتھے یارنی یارکوں ڈکھ ڈیندا
اُسے سجن علاقے گھن ونج
میڈا ہو پیونڑتے تل گئے نی
ایہا ہنڑ جگراتے گھن ونج

Imamia Printing Fsd.03216624539